

四庫全書

經部

欽定四庫全書

禮書綱目卷七十五

婺源江永撰

禮樂記

通禮二十八

補

大宗伯以天產作陰德以中禮防之以地產作陽德以

和樂防之

鄭司農云陰德謂男女之情天性生而自然者過時則奔隨先時則血氣未定聖人為制

其中令民三十而娶女二十而嫁以防其淫佚令無失德情性隱而不露故謂之陰德陽德謂分地科以致富富者之失不驕奢則吝嗇故以和樂防之樂所以滌蕩邪穢道人之正性者也一說地產謂土地之性各異若

齊性舒緩楚性急悍則以和樂防其失令無失德樂所以移風易俗者也此皆露見於外故謂之陽德陽德陰德不失其正則民和而物各得其理故曰以諧萬民以致百物玄謂天產者動物謂六牲之屬地產者植物謂九穀之屬陰德陰氣在人者陰氣虛純之則劣故食物作之使動過則傷性制中禮以節之陽德陽氣在人者陽氣盈純之則躁故食植物作之使靜過則傷性制和樂以節之如是然後陰陽平性情和而能育其類

以禮樂合天地之化百物之產以事鬼神以諧萬民以

致百物

禮濟虛樂損益並行則四者乃得其和能生非類曰化生其種曰產春官

大司

徒以五禮防萬民之偽而教之中

禮所以節止民之侈偽使其行得中鄭司

農云五禮謂吉凶賓軍嘉

以六樂防萬民之情而教之和

禮所以蕩正民之情

思使其心應和也鄭司農云六樂謂雲門咸池大韶大夏大濩大武地官

人生而靜天

之性也感於物而動性之欲也

言性不見物則無欲

物至知知然

後好惡形焉

至來也知知每物來則又有知也言見物多則欲益衆形猶見也

好惡無

節於內知誘於外不能反躬天理滅矣

節法度也知猶欲也誘猶道也

引也躬猶已也理猶性也

夫物之感人無窮而人之好惡無節則是

物至而人化物也人化物也者滅天理而窮人欲者也

窮人欲言無所不為

於是有悖逆詐偽之心有淫佚作亂之事是

故强者脅弱衆者暴寡知者詐愚勇者苦怯疾病不養

老幼孤獨不得其所此大亂之道也是故先王之制禮

樂人為之節

言為作法度以過其欲

衰麻哭泣所以節喪紀也鐘

鼓干戚所以和安樂也昏姻冠笄所以別男女也射鄉

食饗所以正交接也

男二十而冠女許嫁而笄成人之禮射鄉大射鄉飲酒也

禮節

民心樂和民聲政以行之刑以防之禮樂刑政四達而

不悖則王道備矣

樂者為同禮者為異同則相親異

則相敬

同謂協好惡也異謂別貴賤也

樂勝則流禮勝則離

流謂合行不敬也離

謂析居不和也

合情飾貌者禮樂之事也

欲其並行斌斌然

禮義立則

貴賤等矣樂文同則上下和好惡著則賢不肖別矣

刑禁暴爵舉賢則政均矣仁以愛之義以正之如此則

民治行矣

等階級也

樂由中出

和在心也

禮自外作

敬在貌也

樂由

中出故靜禮自外作故文

文猶動也

大樂必易大禮必簡

易簡

若於清廟大饗然

樂至則無怨禮至則不爭揖讓而治天下者

禮樂之謂也

至猶達也

暴民不作諸侯賓服兵革不試五

刑不用百姓無患天子不怒如此則樂達矣合父子之

親明長幼之序以敬四海之內天子如此則禮行矣

協實

也試用也

大樂與天地同和大禮與天地同節

言順天地之氣與其

數和故百物不失

不失其性

節故祀天祭地

成物有功報焉

明則有

禮樂

教人者

幽則有鬼神

助天地成物者也易曰是故知鬼神之情狀與天地相似五帝

德說黃帝德曰死而民畏其神者百年春秋傳曰若教氏之鬼然則聖人之精氣謂之神賢知之精氣謂之鬼

如此則四海之內合敬同愛矣禮者殊事合敬者也樂

者異文合愛者也禮樂之情同故明王以相沿也

沿猶因述

也孔子曰殷因於夏禮所損益可知也沿或作緣

故事與時並

舉事

在其時也禮器曰堯授舜舜

名與功偕

為名在其功也偕猶俱也堯作

大章舜作太韶禹作大夏湯作大護  
武王作大武各因其得天下之功  
故鐘鼓管磬羽籥

干戚樂之器也屈伸俯仰綴兆舒疾樂之文也簠簋俎

豆制度文章禮之器也升降上下周還裊襲禮之文也

綴綴謂鄺舞者之位也兆其外營域也故知禮樂之情者能作識禮樂之文

者能述述謂訓其義也作者之謂聖述者之謂明明聖者述作

之謂也樂者天地之和也禮者天地之序也和故百

物皆化序故羣物皆別化猶生也別謂形體異也樂由天作禮以地

制言法天也過制則亂過作則暴過猶誤也暴失文武之意明於天地



然後能興禮樂也論倫無患樂之情也欣喜歡愛樂之

官也

倫猶類也患害也官猶事也

中正無邪禮之質也莊敬恭順禮

之制也

質猶本也

若夫禮樂之施於金石越於聲音用於宗

廟社稷事乎山川鬼神則此所與民同也

言情官質制先王所專也

王者功成作樂治定制禮

功成治定同時耳功主於王業治主於教民明堂位

說周公曰治天下六年朝諸侯于明堂制禮作樂

其功大者其樂備其治辯者

其禮具也

辯編也

干戚之舞非備樂也

樂以文德為備若咸池者孔子曰韶盡美

矣又盡善也謂武盡美矣未盡善也

孰亨而祀非達禮也

達具也郊特牲曰郊血大饗腥

三獻燭一獻孰至敬五帝殊時不相沿樂三王異世不

相襲禮

言其有損益也

樂極則憂禮粗則偏矣

樂人之所好也害在淫侈禮人

之所勤也及夫敦樂而無憂禮備而不偏者其唯大聖

害在倦略

乎敦厚

也

天高地下萬物散殊而禮制行矣

禮為異也

流而

不息合同而化而樂興焉

樂為同也

春作夏長仁也秋斂冬

藏義也仁近於樂義近於禮

言樂法陽而生禮法陰而成

樂者敦和

率神而從天禮者別宜居鬼而從地

敦和樂貴同也率循也從順也別宜

禮尚異也

故聖人作樂以應天制禮以配地禮樂明備天地

官矣

官猶事也各得其事

天尊地卑君臣定矣卑高已陳貴賤

位矣動靜有常小大殊矣方以類聚物以羣分則性命

不同矣在天成象在地成形如此則禮者天地之別也

卑高謂山澤也位矣尊卑之位象山澤也動靜陰陽用事小大萬物也大者常存小者隨陽出入方謂行蟲也

物謂殖生者也性之言生也命生之長短也象光耀也形體貌也

地氣上齊天氣下降

陰陽相摩天地相蕩鼓之以雷霆奮之以風雨動之以

四時煖之以日月而百化興焉如此則樂者天地之和

也

齊讀為濟濟升也摩猶迫也蕩猶動也奮迅也百化百物化生也

化不時則不生男

女無辨則亂升天地之情也

辨別也升成也樂失則害物禮失則亂人

及夫

禮樂之極乎天而蟠乎地行乎陰陽而通乎鬼神窮高

極遠而測深厚

極至也蟠猶委也高遠三辰也深厚山川也言禮樂之道上至于天下委于地

則其間無所不之

樂著大始而禮居成物

著之言處也大始百物之始生也

著

不息者天也著不動者地也

著猶明白也息猶休止也易曰天行健君子以自強

息一動一靜者天地之間也

間謂百物也

故聖人曰禮樂云

言禮樂之法天地也樂靜而禮動其並用事則亦天地之間爾

是故樂之隆非極音也

食饗之禮非致味也清廟之瑟朱絃而疏越壹唱而三

歎有遺音者矣大饗之禮尚玄酒而俎腥魚太羹不和  
有遺味者矣是故先王之制禮樂也非以極口腹耳目  
之欲也將以教民平好惡而反人道之正也 夫黍稷  
為酒非以為禍也而獄訟益繁則酒之流生禍也

以穀食犬

承曰黍為作也言黍承作酒本以享祀養賢而小人飲之善醜以致獄訟是故先王因為酒

禮壹獻之禮賓主百拜終日飲酒而不得醉焉此先王

之所以備酒禍也

壹獻士飲酒之禮百拜以喻多

故酒食者所以合歡

也樂者所以象德也禮者所以綴淫也

綴猶止也

是故先王

有大事必有禮以哀之有大福必有禮以樂之哀樂之

分皆以禮終

大事謂死喪也

樂也者聖人之所樂也而可以善

民心其感人深其移風易俗故先王著其教焉

著猶立也謂立

司樂以下使教國子

樂也者施也禮也者報也

言樂出而不反而禮有往來也

樂樂其所自生而禮反其所自始樂章德禮報情反始

也

自由也

樂也者情之不可變者也禮也者理之不可

易者也

理猶事也

樂統同禮辨異

統同和合也辨異尊卑也

禮樂之說

管乎人情矣

管猶包也

窮本知變樂之情也著誠去偽禮

之經也禮樂傾天地之情達神明之德降興上下之神

而凝是精粗之體領父子君臣之節

傾猶依象也降下也興猶出也凝成

也精粗謂萬物大小也領猶理治也

是故大人舉禮樂則天地將為昭焉

言天地將為之昭然明矣

天地訢合陰陽相得煦嫗覆育萬物然後

草木茂區萌達羽翼奮角觫生蟄蟲昭蘓羽者嫗伏毛

者孕鬻胎生者不殯而卵生者不殯則樂之道歸焉耳

訢讀為熏熏猶蒸也氣曰煦體曰嫗屈生曰區無鰓曰觫昭曉也蟄蟲以發出為曉更息曰蘇孕任也鬻生也

內敗曰殯殯裂也今齊人語有殯者殯也

樂者非謂黃鍾大呂弦歌干揚

也樂之末節也故童者舞之鋪筵席陳尊俎列籩豆以

升降為禮者禮之末節也故有司掌之

言禮樂之本由人君也禮本著

誠去偽樂本窮本知變

樂師辨乎聲詩故北面而弦宗祝辨乎宗

廟之禮故後尸商祝辨乎喪禮故後主人

辨猶別也正也弦謂鼓瑟

琴也後尸居後贊禮儀此言知本者尊知末者卑

是故德成而上藝成而下行

成而先事成而後

德三德也行三行也藝才技也先謂位在上也後謂位在下也

是故

先王有上有下有先有後然後可以有制於天下也

言尊

卑備乃可制作以為治法

君子曰禮樂不可斯須去身致樂以治



心則易直子諒之心油然而生矣易直子諒之心生則樂

樂則安安則久久則天天則神天則不言而信神則不

怒而威致樂以治心者也

致猶深審也子讀如不子之  
子油然新生好貌也善心生

則寡於利欲寡於利欲則樂矣樂由中出故治心  
子曰韓詩外傳子諒作慈良近是天謂禮性自然神謂

神妙不測致禮以治躬則莊敬莊敬則嚴威躬身也禮自  
外作故治身心

中斯須不和不樂而鄙詐之心入之矣鄙詐入之  
謂利欲生外貌

斯須不莊不敬而易慢之心入之矣易輕  
易也故樂也者動

於內者也禮也者動於外者也樂極和禮極順內和而

外順則民瞻其顏色而弗與爭也望其容貌而民不生

易慢焉故德輝動於內而民莫不承聽理發諸外而民

莫不承順

德輝顏色潤澤也  
理容貌之進止也

故曰致禮樂之道舉而錯

之天下無難矣樂也者動於內者也禮也者動於外

者也故禮主其減樂主其盈

禮主其減人所倦也  
樂主其盈人所欲也

禮減

而進以進為文樂盈而反以反為文

進謂自勉強也  
謂自抑止也文猶

美也  
善也

禮減而不進則銷樂盈而不反則放故禮有報而

樂有反

放淫於聲樂不能止  
也報讀曰寢猶進也

禮得其報則樂樂得其反

則安

得謂曉其義知其吉凶之歸

禮之報樂之反其義一也

俱趨立於中不

銷不放也

並樂記

禮也者反其所自生

自由也制禮者本已所由得民心也

樂

也者樂其所自成

作樂緣民所樂於已之功舜之民樂其紹堯而作大韶湯武之民樂其護

伐而作護武

是故先王之制禮也以節事

動反本也

修樂以道志

勸之善也

故觀其禮樂而治亂可知也

國亂禮慢而樂淫也

蘧伯玉曰

君子之人達

觀其禮樂則知治亂也蘧伯玉衛大夫也名瑗

故觀其器而知其

工之巧觀其發而知其人之知

禮樂亦猶是也

故曰君子慎其

所以與人者

將以是觀禮器

孔子曰移風易俗莫善於樂

安上治民莫善於禮

孝經

子曰先進於禮樂野人也後

進於禮樂君子也

先進後進猶言前輩後輩野人謂郊外之民君子謂賢士大夫也程子曰

先進於禮樂文質得宜今反謂之彬彬而以爲野人後進之於禮樂文過其質今反謂之彬彬而以爲君子蓋

周末文勝故時人之言如此不自知其過於文也

如用之則吾從先進

用之謂用禮樂

孔子既述時人之言又自言其如此蓋欲損過以就中也

論語

子曰禮云禮云玉

帛云乎哉樂云樂云鐘鼓云乎哉

敬而將之以玉帛則爲禮和而發之以鐘

鼓則爲樂遺其本而專事其末則豈禮樂之謂哉程子曰禮只是一箇序樂只是一箇和只此兩字含蓄多

少義理天下無一物無禮樂且如置此兩椅一不正便是無序無序便非非便不和又如盜賊至爲不道然亦

有禮樂蓋必有總屬必相聽順乃能為盜不然則叛亂  
無統不能一日相聚而為盜也禮樂無處無之學者要

須識得

子曰人而不仁如禮何人而不仁如樂何

游氏

曰人而不仁則人心亡矣具如禮樂何哉言雖欲用之  
而禮樂不為之用也程子曰仁者天下之正理失正

理則無序而和李氏曰禮樂待人而後行苟非其人  
則雖玉帛交錯鐘鼓鏗鏘亦將如之何哉然記者序此

於八佾雍徹之後疑其為  
僭禮樂者發也同上

子曰禮也者理也樂也者

節也君子無理不動無節不作不能詩於禮繆不能樂

於禮素薄於德於禮虛

繆誤也素猶質也歌詩所以通  
禮意也作樂所以同成禮文也

崇德所以實禮行也王制曰樂正崇四術立四教順先  
王詩書禮樂以造士春秋教以禮樂冬夏教以詩書王

天子王子羣后之太子卿大夫元士之適子國之後  
選皆造焉則古之人皆知諸侯之禮樂

仲尼燕居

子張問政子曰君子明於禮樂舉而錯之而已

言禮樂足以為

政也錯猶施行也

子張復問子曰師爾以為必鋪几筵升降酌

獻酬酢然後謂之禮乎爾以為必行綴兆興羽籥作鐘  
鼓然後謂之樂乎言而履之禮也行而樂之樂也君子  
力此二者以南面而立夫是以天下太平也諸侯朝萬  
物服體而百官莫敢不承事矣禮之所興衆之所治也  
禮之所廢衆之所亂也目巧之室則有與阼席則有上

下車則有左右行則有隨立則有序古之義也室而無  
與阼則亂於堂室也席而無上下則亂於席上也車而  
無左右則亂於車也行而無隨則亂於塗也立而無序  
則亂於位也昔聖帝明王諸侯辨貴賤長幼遠近男女  
外內莫敢相踰越皆由此塗出也

服體體服也謂萬物之符長皆來為瑞應


也衆之所治衆之所以治也衆之所亂衆之所以亂也  
目巧謂但用巧目善意作室不由法度猶有與阼賓主  
之處也自目巧以下古今  
常事不可廢改也 同上

大史公曰夫禮由外入樂

自內出故君子不可須臾離禮須臾離禮則暴慢之行

窮外不可須臾離樂須臾離則姦邪之行窮內

史記





禮書綱目卷七十五

欽定四庫全書

經部

禮書綱目卷七十六

詳校官監察御史<sub>臣</sub>左周

給事中<sub>臣</sub>溫常綬覆勘

總校官進士<sub>臣</sub>何思鈞

校對官中書<sub>臣</sub>金光悌

謄錄監生<sub>臣</sub>張鈞

欽定四庫全書

禮書綱目卷七十六

婺源江永撰

曲禮

曲禮一

曲禮曰毋不敬

禮主於敬 疏曰云曲禮曰是引儀禮正經今不見者或在三千散亡之中也

儼若思

儼矜莊貌人之坐思貌必儼然

安定辭

審言語也 易曰言語者君子之樞機 疏曰鄭

氏注云

樞謂戶樞機謂弩牙戶樞之發或明或闇

安民

哉

此上三句可以安民說曲禮者美之云耳 或問敬

程子曰主一之謂敬問一曰無適之謂一又曰但整齊嚴肅則心自一一則自無非辟之干矣 呂大臨曰

毋不敬者正其心也 儼若思者正其貌也 安定辭者正

其言也三者正則無所往而非正所謂大人正己而物正者也天下至大取諸修身而無不足故曰安民哉此禮之本故於曲禮首章言之

教不可長欲不可從志不可滿樂不

可極

教五報反長丁丈反從足用反樂音洛四者慢遊之道桀紂所以自禍

賢者狎而

敬之畏而愛之

狎習也近也謂附而近之習其所行也月令曰雖有貴賤近習心服曰畏曾子

曰吾先子之所畏朱子曰人之常情與人親狎則敬弛有所畏敬則愛衰惟賢者乃能狎而敬之是以雖安而不慢畏而愛之是

愛而知其惡憎而知其善

謂凡與人交不

可以己之愛憎誣人之善惡朱子曰己之愛憎或出私心而人之善惡自有公論惟賢者存心中正乃能不以此而積而能散

謂已有蓄積見貧窮者則當能散以賙救之若宋樂氏疏曰樂氏事見

廢彼也

春秋襄二  
十九年傳  
安安而能遷  
謂已今安此之安圖後有害則當能遷晉舅犯與姜氏醉重耳

而行近之  
疏曰舅犯事見春秋僖二十三年傳  
子曰此上六句文意大同皆蒙賢者二字為文言皆衆

人所不能唯賢者  
能之耳舊注非是  
臨財毋苟得  
為傷廉也為于偽反下同疏曰非義

而取之謂  
之苟得  
臨難毋苟免  
難乃旦反為傷義也  
狠毋求勝分毋求

多  
狠胡懇反分扶問反為傷平也狠閱也謂爭訟也詩云兄弟閱于牆閱呼歷反  
引過歸已不可求勝元是衆人

之物當共分之母得求多入已  
禮不妄說人  
說音悅為近

佞媚也君子說之不以其道則不說也  
子曰禮有常度不可為佞媚以求說於人世  
不辭費為

信君子先行其言而後從之  
朱子曰辭達則止不貴於多  
禮不踰節不侵侮不好

狎好呼報反為傷敬也凡人習近為好狎疏曰禮

狎所以辨尊卑別等級使上不逼下下不僭上故不踰

越節度禮主於敬自卑而尊人故不侵犯侮慢於人賢者狎而敬之若直近而習之則是好狎修身踐

言謂之善行行下孟反下同踐行修言道禮之質也

言道言合于道質猶本也禮為之文飾耳禮聞取於人不聞取人取於舊

謂趣就師求道也皇如字謂取師之道謂君禮聞來

人者取於人謂高尚其道取人謂制服其身禮聞來

學不聞往教尊道藝朱子曰此雖兩節其實互明一

人者好為人師我求童蒙也禮有取於人大上貴德

所以彼有來學無取人所以我無往教也大上貴德

大音泰大上帝皇之世其民施而不其次務施報三

惟報施始致反下同疏曰惟思也其次務施報王

之世禮始興焉禮尚往來往而不來非禮也來而不往亦非禮

也疑事毋質

質成也彼已俱疑而已成言之終不然則傷知知音智疏曰人多專固未

知而為已知故戒之若成言疑直而勿有不疑則當稱

事後為賢人所譏則傷已智也師友而正之謙也疏曰當稱師友所不疑在躬躬

說以正之勿為已有此義也並曲禮度民械度大洛反械戶戒反械兵

知使身疑也不度民械器也不計度民家之器物使

已亦有朱子曰為不欲不願於大家大謂富之廣也朱子曰嫌有

校人之強弱且嫌不審也不譽重器譽子斯反譽思也重猶寶也朱

侈之意不譽重器子曰譽猶計度也下毋譽衣服成器

字義同此國語云譽相其質漢書云為無譽者又云不

譽之身皆此義此言不譽重器者謂不欲量物之貴賤

亦避不審

不窺密

嫌伺人之私也密隱曲處也

不旁狎

妄相服習終或爭訟

朱子曰旁泛及也泛與人狎習不恭敬也

不道舊故

言知識之過失損友也孔子曰故舊不遺

則民不偷

朱子曰舊事既非今日所急且或揚人宿過以取憎惡如陳勝賓客言勝故情為勝所殺之類也

不戲色

暫變傾顏色為非常則人戲色謂嬉笑侮慢之容

朱子曰戲色謂嬉笑侮慢之容

同上

毋拔來毋報往

拔蒲末反報音赴疾之赴拔赴皆疾也人來往所

之當有宿漸不可卒也

毋瀆神

瀆謂數而不敬數色角反

毋循枉

前日

正不可復違

毋測未至

測意度也朱子曰孔子所謂逆詐億不信之類也

衣服成器

訾思也成猶善也思此則疾貧也

毋身質言

朱子曰與不訾重器之意同



語質成也聞疑則傳疑若成之則或有所誤也朱子

曰即上文疑事毋質之意也此三節十七事皆非謙遜謹厚之道故

戒之同上博聞強識而讓敦善行而不怠謂之

君子

識音志行下孟反敦厚

君子不盡人之歡不竭人之忠以

全交也

歡謂飲食忠謂衣服之物呂大臨曰君子躬自厚而薄責於人責人厚而莫之應此交之所

以難全也歡謂好於我也忠謂盡心於我也好於我者望之不深則不至於倦而難繼酬酒不舉三酌油而退是也盡心於我者不要其必力致則不至於不能勉而絕詩云每有良朋烝也無戎是也並曲禮

右通言 夫禮者所以定親疎決嫌疑別同異明

是非也

疏曰五服大功已上服粗者為親小功已下服精者為疏妾為女君期女君為妾若

報之則太重降之則有舅姑為婦之嫌故全不服是決嫌孔子之喪門人疑所服子貢請若喪父而無服是決疑本同今異姑姊妹是也本異今同世母叔母及子婦是也主人未餽子游裼裘而弔得禮是也曾子襲裘而弔失禮非也但嫌疑同異是非之屬在禮甚衆各舉一事為證

道德

仁義非禮不成教訓正俗非禮不備分爭辨訟非

禮不決君臣上下父子兄弟非禮不定宦學事師

非禮不親班朝治軍蒞官行法非禮威嚴不行禱

祠祭祀供給鬼神非禮不誠不莊

朝直遙反宦音患分辨皆別

宦仕也班次也蒞臨也莊敬也學或為御疏曰熊氏云宦謂學仕宦之事學謂習學六藝此二者

俱是事師左傳靈輒云宦三年矣是以君子恭敬

服虔云宦學也是學職事為宦也

是以君子恭敬

樽節退讓以明禮

樽祖本反樽猶趨也疏曰在貌為恭在心為敬樽趨也節

法度也言恒趨於法度

鸚鵡能言不離飛鳥猩猩能言不

離禽獸今人而無禮雖能言不亦禽獸之心乎夫

惟禽獸無禮故父子聚麀

鸚鵡厄耕反離力智反猩猩音生麀音憂聚猶共

也鹿北曰麀疏曰通言之鳥不可曰獸獸亦可曰禽

是故聖人作為禮以

教人使人以有禮知自別於禽獸

呂大臨曰人所以貴於物者理

義也聖人因理義之同然而制之為禮然後父子有親君臣有義男女有別人道所以立而與天地

參也縱恣怠放滅天理而窮人欲是果  
於自暴自棄而不欲齒於人類者乎

人有禮

則安無禮則危故曰禮者不可不學也夫禮者自

卑而尊人雖負販者必有尊也而況富貴乎

負販者尤

輕佻志利宜  
若無禮然

富貴而知好禮則不驕不淫貧賤而

知好禮則志不懾

懾之涉反懾猶  
怯惑並曲禮

君子之容舒遲見所尊者齊遯

齊側皆反遯音連  
懾貌也遯猶蹙蹙也謙

疏曰舒遲閒雅也雖尋常舒遲若見所  
尊者則齊遯齊遯言自斂持不敢寬奢

足容重

舉欲  
遲也

手

容恭

高且  
正也

目容端

不睇視也  
睇大計反

口容止

不妄  
動也

聲容靜

不  
噦

咳也 噉於厭 頭容直 不傾 氣容肅 似不 立容德 如有

反咳 苦代反 疏曰德得也 立則磬折如人 色容莊 勃如戰色 疏

授物予己 己受得之之形也 王藻注 立如齊 齊側皆

變動也 玉藻 坐如尸 尸視貌正也 玉藻注 立如齊 齊側皆

且聽也 齊謂祭祀時 疏曰士虞禮主人哭出復位祝

闔牖戶如食間是祭時有聽法磬謂屈身如磬之折祭

前有齊所以自整齊祭日神前亦當齊則齊是先後通

稱此言立如齊非祭前坐齊故云謂祭祀時 朱子曰

此二句上有若夫二字乃大戴曾子事父母篇文

別起下文之義錄者誤并取之也今刪去 曲禮 燕

居告溫溫 告謂教使也 詩云溫溫恭人 疏曰燕居色

尚和善教人使人之時唯須溫溫不欲嚴慄

凡祭容貌顏色如見所祭者 如睹其 喪容纍纍 纍良 迫

人在此 喪容纍纍 反 羸

禮書綱目 六

僊貌也 羸力 色容顛顛 顛音田 憂思貌也 視容瞿瞿梅梅 瞿

具反 不審貌也 疏曰瞿瞿驚遽之貌 梅梅猶微微謂微昧也 言容繭繭 繭古典反 聲氣微

也 疏曰繭繭戎容暨暨 暨具記反 果毅貌也 言容詬詬 詬五格反 教

令嚴 色容厲厲 義形貌也 疏曰 視容清明 察於 立容

辨卑毋調 辨彼檢反 調音詔 辨讀作貶自貶 頭頸必

中 頭容 山立 動也 時行 時而後行也 詩 盛氣顛實揚休

顛音田 顛讀為闕揚讀為陽聲之誤也 盛玉色 色不變也 身中之氣使之闕滿其息若陽氣之休物也 玉色 變也

朱子曰自立容以下 賓客主恭祭祀主敬喪事主

至此又通言之 玉藻

哀會同主詡

詡况矩反敏而有勇若齊國佐

恭在貌也而敬又在心詡謂

疏曰詡謂敏大言

語會同時貴在敏健勇武自先大成二年左傳齊晉戰于鞏齊國佐陳辭以拒晉師是敏而有勇也少儀

喪事欲其縱縱爾

縱音總縱讀如總

趨事貌總領之總

吉事欲其折折

爾

折大兮反貌詩云好人提提

安舒

故喪事雖遽不陵節吉事雖止不

怠

陵躡也止立俟事時也怠惰也

故騷騷爾則野

謂大疾同疏曰喪事過為

大音泰下

急疾則如田野之人急切無禮

鼎鼎爾則小人

謂大舒疏曰吉事不自嚴敬則如小然形

體寬慢也

君子蓋猶猶爾

疾舒之中疾之中於吉事得舒之中蓋行禮

得

之時明開法則志意猶猶然猶猶是曉達之貌擅弓

欣然喜樂者鐘鼓之色

愀然清靜者縗經之色溲然豐滿者兵甲之色

愀七小反營

子

君子衰經則有哀色端冕則有敬色甲冑則有不

可辱之色

衰七雷反言色稱其服也稱尺證反表記

當食不歎

食或以樂

非歎所疏曰人君吉食則有樂賤者則無故云或也

臨喪則必有哀色臨樂不

歎介冑則有不可犯之色

貌與事相宜配介冑也

故君子戒慎不

失色於人

色厲而內莊貌恭心狠非情者也

莊而審

軍旅不嚴之類曲禮

祭極敬不繼之以樂朝極辨不繼之以

倦

樂音洛朝直遙反下同極猶盡也辨分別政事也祭義曰祭之日樂與哀半饗之必樂疏曰祭禮極



盡於敬不可於終末繼之以樂而不敬朝禮極盡於分別政事不可於終末繼之以解倦而不分別表記

言語之美穆穆皇皇朝廷之美濟濟翔翔祭祀之美

齊齊皇皇車馬之美匪翼翼翼和之美肅肅雍雍

美音

儀濟子禮反齊如字皇音往匪芳非反匪讀如四牡

駢駢之駢齊齊皇皇讀如歸往之往美皆當為儀字之

誤也周禮教國子六儀一曰祭祀之容二曰賓客之容

三曰朝廷之容四曰喪紀之容五曰軍旅之容六曰車

馬之容疏曰言語謂賓客言語故鄭注保氏云賓客

之容穆穆皇皇皆美人之狀濟濟翔翔謂威儀厚重寬

舒之貌皇謂歸往之往謂心所繫往孝子祭祀威儀嚴

正心有繫屬故齊齊皇皇然匪翼翼翼皆是車馬之形

狀故詩云四牡駢駢又云四牡翼翼皆是

馬之嚴正也肅肅敬貌雍雍和貌少儀志有四興

朝廷之志淵然清以嚴祭祀之志諭然思以和軍旅之志怫然愠然精以厲喪紀之志溲然憂以湫四志形中四色發外維如志色之經也

怫符勿反愠紆粉反溲音聊清潔也湫卽由反

容

有四起朝廷之容師師然翼翼然整以敬祭祀之容遂遂然粥粥然敬以婉軍旅之容溲然肅然固以猛喪紀之容恻然懾然若不還容經也

粥于六反婉紆晚反溲彼側反恻于求反又於

久反懾質涉反

若夫立而跛坐而踣體怠懈志驕傲趨視數

顧容色不比動靜不以度咳唾疾言嗟氣不順皆禁也

跋彼寄反蹠蒲堅反足不正也趁七舍反數音朔  
比毗志反咳音慨唾吐卧反並賈誼新書客經

# 右容節

子曰君子莊敬日强安肆日偷

肆恣也偷苟且

也肆或為褻

君子不以一日使其躬僂焉如不終日

在僂

鑑反又仕鑑反

僂焉可輕賤之貌也如不終日

言人而無禮死無時

疏曰君子常行善道不以

一日之間使其身僂焉可輕賤如

小人不能終竟一日也

表記

## 正考父

疏曰家語

云宋泯公熙生弗父何何生宋父周周生世子勝

勝生正考父考父生孔父嘉其後以孔為氏孔父

生木金父金父生皐夷皐夷生防叔防叔避華氏

之偏而奔魯生伯夏伯夏生叔梁紇梁紇生孔子

## 佐戴武宣

三人皆宋君

## 三命茲益共

其音恭下同三命上卿也言位高

恭 益

故其鼎銘云

考父廟之鼎

一命而僂再命而偃三命

而俯

僂力主反偃紆甫反俯共於偃偃共於僂

循牆而走

言不敢安行

亦

莫余敢侮

其共如是人亦莫敢侮

饘於是鬻於是以餬余口

饘之然反鬻之六反中為饘鬻饘鬻餬屬言至儉

於是鼎

其共也如是

昭七年左

氏 傳

諸侯從劉康公成肅公會晉侯伐秦

劉康公王季子

成子受賑于社不敬

賑市軫反盛以賑器故曰賑宜出兵祭

賑宜社之肉也

社之名盛音成

劉子曰吾聞之民受天地之中以生所

謂命也是以有動作禮義威儀之則以定命也能

者養之以福

養威儀以致福

不能者敗以取禍是故君子

勤禮小人盡力勤禮莫如致敬盡力莫如敦篤敬

在養神篤在守業國之大事在祀與戎祀有執膳

膳音煩  
膳祭肉

戎有受脰神之大節也

交神之  
大節

今成子

惰棄其命矣

惰則失中  
和之氣

其不反乎既行成肅公卒

于瑕

成公十三  
年左氏傳

柯陵之會

會在魯成  
公十七年

晉厲公視

遠步高

厲公晉成公之孫景公之子州  
蒲也視遠望視遠步高舉足高

單襄公曰

單音善

襄公王  
卿士單朝之諡也

夫君子日以定體足以從之是

以觀其容而知其心矣

體手足也心不固則容不正

目以處義

義宜也

足以步目今晉侯視遠而足高目不在體

存

也

而足不步目其心必異矣目體不相從何以能

久夫合諸侯民之大事也於是乎觀存亡故國將無咎其君在會步言視聽必皆無謫則可以知德

矣明年晉弑厲公

國語周語

晉孫談之子周適周事

單襄公

談晉襄公之孫惠伯談也周者談之子晉悼公之名晉自獻公用驪姬之讒誣不畜

羣公子故孫周適周事襄公

立無跛

跛彼義反跛偏任也

視無還

還音旋

晴轉復反為旋

聽無聳

不聳耳而聽

言無遠

遠謂非耳目所及也

晉國有

憂未嘗不戚

急其宗也

有慶未嘗不怡

慶福也怡悅也

襄公有

疾召頃公而告之

頃公襄公之子

曰必善晉周將得晉國

其行也文

行下孟反

能文則得天地天地所昨小而後

國

昨才素反福小則得國

大則得天下

且夫立無跛正也

視無還端也聽無聳成也

成定也

言無遠慎也為晉

休戚不背本也

為于偽反背音佩休喜也

被文相德非國何

取

相悉亮反行輔助之非國

何取言必得也

及晉弒厲公迎

而立之是為悼公晉以復霸

復扶又反  
同上

衛侯在

楚北宮文子見令尹圍之威儀言於衛侯曰令尹

似君矣將有他志

言語瞻視  
行步不常

雖獲其志不能終也

公曰子何以知之對曰詩云敬慎威儀惟民之則

令尹無威儀民無則焉民所不則以在民上不可

以終公曰善哉何謂威儀對曰有威而可畏謂之

威有儀而可象謂之儀君有君之威儀其臣畏而

愛之則而象之故能有其國家令聞長世

聞音問  
臣



有臣之威儀其下畏而愛之故能守其官職保族  
宜家順是以下皆如是是以上下能相固也衛詩

曰威儀棣棣不可選也

棣直計反選息戀反詩  
邶風棣棣富而閑也選數

也言君臣上下父子兄弟内外大小皆有威儀也

周詩曰朋友攸攝攝以威儀

詩大雅攸所  
也攝佐也

言朋友

之道必相教訓以威儀也故君子在位可畏施舍  
可愛進退可度周旋可則容止可觀作事可法德  
行可象聲氣可樂動作有文言語有章以臨其下

謂之有威儀也

樂音洛 襄三十一年左氏傳明  
年令尹圍楚楚子而自立是為靈

王後十三年楚  
人弑之于乾谿

單子會韓宣子于周

單子單  
成公

視

下言徐叔向曰單子其將死乎朝有著定

著定朝  
內列位

常處謂  
之表著

會有表

有會設表  
以為位

衣有襜帶

有結  
結古外  
反

領會結  
帶結也

會朝之言必聞于表著之位所以昭事序

也視不過結襜之中所以道容貌也言以命之容

貌以明之失則有闕今單子為王官伯而命事於

會視不登帶言不過步貌不道容而言不昭矣不

道不共不昭不從

貌正曰共言順曰從

無守氣矣十二月單

成公卒

昭十一年左氏傳

子贛由其家來謁於孔子孔

子正顏舉杖磬折而立曰子之大親母乃不寧乎

放杖而立曰子之兄弟亦得無恙乎曳杖倍而行

曰妻子家中得毋病乎故身之倨佁手之高下顏

色聲氣各有宜稱所以明尊卑別踈戚也

折之舌反倨紀

具反佁公豆反稱去聲

別彼列反賈誼容經

天子視不上於袷不下於帶

上時掌反下同袷音却裕交領也天子至尊臣視

之目不過此疏曰此一節論天子以下其國君綏視

臣視君尊卑有異之事裕謂朝祭服之曲領

綏他果反視國君彌高綏讀為安安視謂視上於裕

疏曰庾氏云安顏下之貌執器以心為平故以下為

安此視以面為平故安大夫衡視平也平視謂視面也

下於面則上於裕也大夫衡視平也平視謂視面也

士視五步士視得旁遊目五步之中也視凡視上於面

則教教五報反下於帶則憂憂則低傾則姦辟頭旁視心

為側辟四亦反疏曰若視尊者而敬側曲禮凡與大

旁視流目東西則似有姦惡之意也曲禮凡與大

人言始視面中視抱卒視面毋改衆皆若是若父則遊

目毋上於面毋下於帶若不言立則視足坐則視膝詳見

士相見篇

坐視膝立視足應對言語視面

士相見云子視父則遊目無上

於面無下於帶若不言立則視足坐則視膝鄭云不言則伺其行起而已

立視前六尺而大

之

蓋臣於君前視也近視六尺自此而廣之雖遠視而不過三丈六尺曲禮曰立視五雉彼在車上與此不

同也荀子

視有四則朝廷之視端汙平衡祭祀之視視

如有將軍旅之視固植虎張喪紀之視下汙垂網視經

也

汙古疏字賈誼容經

右瞻視之容

並坐不橫肱

為害旁人

授立不跪授坐不立

為煩尊者俛仰受之曲禮

受立授立不坐

由便疏曰坐亦跪也凡尊卑相授乃以跪為敬受立謂尊者立以物與

卑者卑者受此尊者之物授立謂尊者立已以物授尊者此皆不坐以尊者立已若坐則尊者屈而低身煩尊

者故也

性之直者則有之矣

有之有跪者也謂受授於尊者而尊者短則跪不敢以長

臨之

疏曰尊者天性直自如此短小若受授尊者之物則有坐以尊者短小若立對之則以長臨尊故也

少儀

大祝辨九擗一曰稽首二曰頓首三曰空首四曰

振動五曰吉擗六曰凶擗七曰奇擗八曰褒擗九曰肅

擗以享右祭祀

大音泰擗音拜奇居宜反褒音報稽首拜頭至地也頓首拜頭叩地也空首

拜頭至手所謂拜手也吉拜拜而後稽顙謂齊衰不杖以下者言吉者此殷之凶拜周以其拜與頓首相近故

謂之吉拜云凶拜稽顙而後拜謂三年服者杜子春云振讀為振鐸之振動讀為哀慟之慟奇讀為奇偶之奇謂先屈一膝今雅拜是也或云奇讀曰倚倚拜謂持節持戟拜身倚之以拜鄭大夫云動讀為董書亦或為董振董以兩手相擊奇拜謂一拜也襄讀為報報拜再拜是也鄭司農云褒拜今時持節拜是也肅拜但俯下手今時揖是也介者不拜故曰為事故敢肅使者玄謂振動戰栗變動之拜書曰王動色變一拜答臣下拜再拜拜神與尸享獻也謂朝獻饋獻也右讀為侑侑勸尸食而拜齊音咨擡於至反為事于偽反使所更反疏曰此九拜之中四種是正拜五者逐事生名還依四者正拜而為之稽首頓首空首此三者相因而為之空首者先以兩手拱至地乃頭至手以其頭不至地故名空首頓首者為空首之時引頭至地首頓地即舉故名頓首稽首者稽稽留之稽頭至地多時則為稽首也此三者正拜也稽首拜中最重臣拜君之拜頓首平敵自相

拜之拜空首君答臣下拜知義然者案左傳孟武伯曰  
非天子寡君無所稽首知武子曰天子在而君辱稽首  
寡君懼矣郊特牲曰大夫之臣不稽首非尊家臣以辟  
君也如是則諸侯於天子臣於君稽首禮之正大夫之  
臣及凡自敵者皆當從頓首之拜也如是差之君拜臣  
下當從空首其有敬事亦稽首故洛誥云周公拜手稽  
首成王拜手稽首此兩相尊敬故皆稽首肅拜者拜中  
最輕唯軍中有此肅拜婦人亦以肅拜為正其餘五者  
附此四種正拜振動附稽首吉拜附頓首凶拜亦附稽  
首奇拜附空首喪拜亦附稽首此九拜不專為祭祀而  
以祭禮結之者祭事重故舉言之又曰稽首頓首二種  
拜俱頭至地但稽首至地多時頓首至地即舉故以叩  
地言之謂若以首叩物然云所謂拜手即尚書拜手稽  
首也吉拜謂齊衰以下喪拜而云吉者對凶拜為輕此  
拜先作頓首後作稽顙稽顙還是頓首但觸地無容則  
謂之稽顙云齊衰不杖以下者以其杖齊衰入凶拜中



故雜記云父在為妻不杖不稽顙明知父沒為妻杖而稽顙也云此殷之凶拜者檀弓云拜而後稽顙顙乎其順也稽顙而後拜顙乎其至也三年之喪吾從其至者鄭注云自期如殷可則是齊衰不杖以下用殷之喪拜也云與頓首相近謂拜體相近也凶拜謂三年服者雜記云三年之喪以喪拜非三年喪以吉拜是也杜子春振動奇讀字後鄭皆從之雅拜倚拜二說後鄭皆不從鄭大夫振董之讀兩手相擊之說皆不從云奇拜謂一拜崇燕禮大射君於臣有一拜之時後鄭從之云報拜謂再拜後鄭亦從司農持節拜之說後鄭不從肅拜之說案鄉飲酒賓客入門有擯入之法推手曰揖引手曰擯成十六年晉楚戰于郟陵楚子使工尹襄問卻至以弓卻至云不敢拜命注云介者不拜又云為事故敢肅使者三肅使者而退是軍中有肅拜法後鄭引書王動色變者案今文大誓得火鳥之瑞使上附以周公書報誥于王王動色變雖不見拜文亦當為稽首拜也知再

拜拜神與尸者特牲祝酌奠主人再拜又獻尸尸拜受主人拜送是也云侑勸尸食而拜者特牲少牢尸食祝

侑主人皆有拜也朱子曰註疏振動奇拜褒拜之義未詳是否春官

凡男拜尚左手

左陽凡女拜尚右手右陰也

婦人吉事雖有君賜肅拜

為尸坐則不手拜肅拜為喪主則不手拜

肅拜拜低頭也手拜手全

地也婦人以肅拜為正凶事乃手拜耳為尸為祖姑之尸也士虞禮曰男男尸女女尸為喪主不手拜者為夫與長子當稽顙也其餘亦手拜而已雖或為唯或曰為喪主則不手拜肅拜也疏曰肅拜如今婦人拜也為尸坐者謂虞祭婦人為祖姑作尸也周禮坐尸嬖婦人或異故明之若平常祭無婦人之尸故設同几而已不手拜肅拜者婦人為尸或答拜時但肅拜而不手拜也又曰手拜以手至地則周禮空首鄭注周禮空首拜頭

至手此云手至地者此手拜之法先以手至地而頭來  
至手故兩注不同其實一也肅拜婦人之常而昏禮拜  
極地以其新來為婦盡禮於舅姑故也左傳穆嬴  
頓首於宣子者有求於宣子非禮之正也少儀介

者不拜為其拜而夔拜

為于偽反夔子卧反夔則失  
容節夔猶詐也疏曰著鎧者

不為式敬故宜無所拜之也夔挫也戎容暨暨著甲而  
屈拜則挫損其戎威之容也一云夔詐也言著鎧而拜

形儀不足似詐也

朱子曰夔猶

揖人必違其位以禮

言有所枝拄不利屈伸也

曲禮

變為敬疏曰位已之位也於位而見前人已所宜敬

者當離已位而嚮彼遙揖是以燕禮君降階爾卿大夫

鄭注云爾近也揖而移近之明雖

君臣皆須違位而揖也同上

步中武象趨中韶

濩

中丁仲反濩音護佩王之聲緩  
則中武象速則中韶濩也荀子

趨以采齊行以

肆夏周還中規折還中矩進則揖之退則揚之然後王

鏘鳴也

詳名器上

天子穆穆諸侯皇皇大夫濟濟士蹻蹻

庶人僬僬

濟子禮反下同蹻七浪反僬子妙反皆行容止之貌也聘禮曰賓入門皇又曰皇且行

又曰衆介北面鏘鏘馬凡行容尊者體盤卑者體蹻

也濟濟徐行有節蹻蹻容貌舒揚也僬僬者卑盡之貌

庶人卑賤都無容儀並僬僬行而已凡行容下不得兼

上上得兼下皇是諸侯之容聘禮人臣而云皇者執玉

入廟門得進其容亦如其君行禮也若在本國則濟濟

衆介士也卑故不得進

容猶蹻蹻而已

曲禮

君天子諸侯也武迹也接武者二足相蹻每蹻於半

未得各自成迹也尊者舒遲故君及尸並步遲狹

大

夫繼武

迹相及也

疏曰謂兩足跡相接繼也大夫漸卑故與尸行步稍廣遠也

士中武

迹

容迹

疏曰中猶間也每徙足間容一足

徐趨皆用是

地乃躡

之士極卑故及尸行步極廣也

徐趨皆用是

君大夫士之徐行也

疾趨則欲發而手足毋移

疾趨謂直行也

皆如與尸行之節也

疏數目若發謂起屨也移之言靡迤也

毋移欲其直且

正欲或為數數色角反迤羊爾反

疏曰謂他事行

禮須直身速行時既無所執持欲屨頭恒起無復繼接

之異其迹或疏或數自若尋常但手足猶宜直正不得

邪低靡迤

圈豚行不舉足齊如流

圈舉遠反又去阮反豚大本反齊音咨

搖動也

圈轉也豚之言若有所循不舉足曳踵則衣之齊如水

之流矣孔子執圭則然此徐趨也

疏曰圈豚行者言

徐趨法曳轉足循地而行也不舉足謂足不離地齊裳

下緝也足既不舉身又俯折則裳下委地曳足如水流

狀也。席上亦然。

尊處亦尚徐也。其行之時亦如是。

疏曰：言在席上未坐。

端

行頤雷如矢，弁行剡剡起屨。

頤音夷，雷力救反。弁，皮彥反。剡，以漸反。此疾趨也。

端直也。頤或為霆也。

疏曰：端行謂直身而行也。頤雷

者，行既疾，身乃小折而頭直俯臨前。頤如屋雷之垂也。

如矢者，身趨前進不邪如箭也。弁急也。既是疾趨，

宜急行也。剡剡身起貌。急行欲速而身屨恒起也。執龜

玉舉前曳踵，跼跼如也。

踵，章勇反。跼，色六反。著徐趨之事。疏曰：踵足後跟也。謂將

行之際，初舉足前後曳足

跟行不離地。舉足疾數也。

凡行容惕惕。

惕音傷。惕惕，直疾貌也。凡行

謂道路也。疏曰：道路雖速疾

又不忘於直，故其容直而疾也。

廟中齊齊。

齊，才兮反。恭慤貌也。

疏曰：齊齊，自杖持嚴正之

貌，以對神不敢舒散故也。

朝廷濟濟翔翔。

莊敬貌也。疏曰：濟濟有

威儀矜莊也翔翔行而張拱也玉藻

帷薄之外不趨

不見尊者行自由不為容也入

則容行而張足曰趨

疏曰帷幔也薄簾也禮天子外

屏諸侯內屏卿大夫以簾士以帷外屏門外為之內屏

門內為之邦君樹塞門是也臣先朝君至屏而加肅敬

屏外不敬故不趨今言帷薄謂大夫士也其外不趨則

內可趨為敬也堂上不趨為其迫也執玉不趨志重玉也聘禮

於廟門外疏曰引聘禮證賓有執玉於堂下時也賓

執玉入門內不疾趨而為徐趨玉藻云執龜玉舉前曳

踵踳踳如也注云

著徐趨之事是也堂上接武武迹也迹相接謂每移足

疏曰半蹠之

是每進六寸也堂下布武布武謂每移足各室中不翔

又為其迫也行而

張拱曰翔曲禮執玉執龜筮不趨堂上不趨城上

不趨

筴音策 狹無容也

於重器於近尊於迫步張足曰趨少儀

凡奉者當心提

者當帶

奉芳勇反 高下之節 疏曰物有宜奉持之者有宜提挈之者奉之者仰手當心奉持其物

提之者屈臂當帶而提挈其物帶有二處朝服之屬其帶則高於心深衣之類其帶則下於脇玉藻說大帶云三分帶下紳居二為紳長三尺而居帶之下三分之二則帶之下去地四尺五寸矣人長八尺為限若帶下四尺五寸則帶上所除止三尺五寸故知朝服等帶則高也深衣云帶下毋厭髀上毋厭脇當毋骨者故知深衣之帶則下也今云提者當帶謂深衣之帶且古人恒著深衣此明平常提奉益可知也

執天子之

器則上衡國君則平衡大夫則綏之士則提之凡執主器

執輕如不克執主器操幣圭璧則尚左手行不舉足車輪



曳踵

詳臣禮篇曲禮

凡執幣者不趨容彌蹙以為儀

不趨主慎

也以進而益恭為威儀耳今文無容疏曰案小行人合六幣玉馬皮圭璧帛皆稱幣下文別云執玉則此幣謂皮馬亨幣及禽摯皆是凡趨有二種有疾趨行而張足曰趨是也有徐趨則下文舒武舉前曳踵是也此云不趨者不為疾趨又不為徐趨但疾徐之間為之故以進而益恭為威儀也

執玉者則唯舒

武舉前曳踵

唯舒者重玉器尤慎也武迹也舉前曳踵音備躓路也今文無者古文曳作拙

致路其業反拙以制反疏曰唯舒者案玉藻云執龜玉不趨為重玉器尤慎也此篇直見以禽摯相見之禮無執玉朝聘之事而云執玉者因執贄兼見之也朱子曰注疏以舒字絕句陸佃曰容彌蹙同唯武則舒然則讀武字絕句矣其說近是士相見禮

固頤正視平肩正背臂如抱鼓

足間二寸端面攝纓端股整足體不搖肘曰經立因以微磬曰共立因以磬折曰肅立因以垂佩曰卑立立容也

共音恭下同

坐以經立之容肘不差而足不跌視平衡曰

經坐微俯視尊者之膝曰共坐仰首視不出尋常之內曰肅坐廢首低肘曰卑坐坐容也

跌徒結反低與低同

行以微磬

之容臂不搖掉肩不下上身似不則從然而任行容也

掉徒弔反

趨以微磬之容飄然翼然肩狀若汙足如射箭趨

容也旋以微磬之容其始動也穆如驚候其固復也旋

如濯絲跣旋之容也

倏式六反  
跣步般反

跪以微磬之容掄右而

下進左而起手有抑揚各尊其紀跪容也拜以磬折之

容吉事上左凶事上右隨前以舉項衡以下寧速無遲

背項之狀如屋之玄拜容也

玄未詳

拜而未起伏容也

賈誼

容經

右坐立拜揖步趨奉持之容 襄公如晉孟獻子

相公稽首

相悉亮反  
也稽首首至地

相儀

知武子曰天子在而

君辱稽首寡君懼矣

稽首事天子之禮

孟獻子曰以敝邑

介在東表密邇仇讎

仇讎謂齊楚與晉爭

寡君將君是望敢

不稽首

傳言獻子能固事盟主襄三年左氏傳

哀公會齊侯盟於

蒙

齊侯簡公弟平公敖也

孟武伯相齊侯稽首公拜齊人怒

武伯曰非天子寡君無所稽首

十七年傳

公及齊侯邾

子盟於顧齊人責稽首

責十七年齊侯為公稽首不見答顧齊地

因歌

之曰魯人之皋數年不覺使我高蹈

皋緩也高蹈猶遠行也言

魯人皋緩數年不知答齊稽首故使我高蹈來為此會

唯其儒書以為二國

憂

二國齊邾也言魯據周禮不肯答稽首令齊邾遠至二十一年傳

大夫之臣

不稽首非尊家臣以辟君也

辟音避 辟國君也 疏曰諸侯稽首於

天子大夫稽首於諸侯若大夫之臣又稽首於大夫便是一國兩君故云以避君也大夫得稽首於諸侯不辟天子者諸侯有大功德出封畿外專有其國故大夫得專盡臣禮事之也 郊特牲

孔子與門人立拱而尚右二三子亦皆尚右

效孔子也

孔子曰二三子之嗜學也

嗜貪

我則有姊之喪故也

二三子皆尚左

復正也喪尚右右陰也 吉尚左左陽也 檀弓

君子之居恒當戶

鄉明 鄉許亮反

寢恒東首

首手又反 首生氣也

若

有疾風迅雷甚雨則必變雖夜必興衣服冠而坐

迅音信衣

於既反又如字

敬天之怒

日五盥沐稷而醕梁櫛用揮櫛髮晞用

象櫛進機進羞工乃升歌

盥音管醕音悔櫛側乙反揮章善反機其既反晞乾也

沐醕必進機作樂盈氣也更言進羞明為羞蓬豆之實

疏曰盥洗手也沐沐髮也醕洗面也取稷梁之潘汁

用將洗面沐髮並須滑故也然此大夫禮耳人君則沐

醕皆梁也揮白理木也櫛梳也沐髮為除垢膩故用白

理澀木以為櫛肺乾燥也沐已燥則已澀故用象牙滑

櫛以通之也機謂酒也少儀注云沐而飲酒曰機是沐

畢必進機酒又進羞知非庶羞者庶羞為食而設今進

機則為飲設羞故知是羞蓬羞豆非庶羞也進羞之後

樂工乃升堂以琴瑟而歌浴用二巾上絺下綌

以其新沐體虛補益氣也浴用二巾上絺下綌

也逆反刷去垢出扞履蒯席連用湯

扞音雩蒯若怪反連力旦反扞浴

器也蒯席澀便於洗足也連猶釋也疏曰出杆浴竟  
而出盆也蒯菲草席澀踐之刮去垢也連用湯言釋去  
足垢用履蒲席衣晞身乃屨進飲衣於既反進飲  
湯瀾也亦盈氣也玉藻

仲夏之月君子齊戒處必掩身毋躁

齊側皆反掩猶

今月令毋躁為微靜

疏

止聲色毋或進

進猶御見也

曰毋躁宜靜以安萌陰也

及樂春秋說夏至人主與羣臣從八能之士作樂五日  
今止之非其道也疏曰歌樂華麗之事為助陰靜故  
止之毋或進者嬪房不得進御侍夕亦為微陰始動不  
可動於陰事也鄭必知諸緯文作樂為是者以周禮夏  
至祭地方澤皆有作樂之文不得云止樂也朱子曰  
止聲色蓋亦處必掩身毋躁之義若以止樂言則拘矣  
月令之說蓋多有未安而此難以為非也注文蓋失其指矣  
薄滋味毋致和反為

其氣異此  
時傷人

節者欲定心氣

者市志反  
扶精不可散也

微陰

仲冬之月

君子齊戒處必掩身身欲寧去聲色禁者慾安形性事

欲靜以待陰陽之所定

去起呂反  
易及樂春秋說云冬至人主與

寧安也聲謂樂也

羣臣從八能之士作樂五日  
此言去樂又相反月令

右居處齊潔之事 子之燕居申申如也天天如

也

燕居閒暇無事之時楊氏曰申申其容舒也天  
天其色愉也程子曰此弟子善形容聖人處

也為申申字說不盡故更著天天字今人燕居之  
時不急情放肆必太嚴厲嚴厲時著此四字不得  
怠情放肆時亦著此四字不得惟  
聖人便自有中和之氣述而

齊必有明衣



布

齊側皆反 齊必沐浴浴竟即著明衣所以明潔其體也以布為之必有寢衣長

一身有半

長去聲 齊主於敬不可解衣而寢又不可以著明衣而寢故別有寢衣其半

蓋以齊必變食居必遷坐

變食謂不飲酒不如草履足 遷坐易常處也 此一

節記孔子謹齊之事楊氏曰齊所以交神故致潔變常以盡敬

席不正不坐

謝氏

曰聖人心安於正故於位之不正者雖小不處

寢不尸居不容

尸謂僵卧似死

人也居居家容儀范氏曰寢不尸非忌其類於死也情慢之氣不設於身體雖舒布其四體而亦未嘗肆耳居不容非情也但不若奉

迅雷風烈必

變

迅疾也烈猛也必變者所以敬天之怒記曰若有疾風迅雷甚雨則必變雖夜必興衣服冠而

坐並

鄉黨

言有四術言敬以國朝廷之言也文言有序祭祀之言

也屏氣折聲軍旅之言也言若不足喪紀之言也言經

也

賈誼容經

君命大夫與士肄在官言官在府言府在庫

言庫在朝言朝朝言不及犬馬在朝言禮問禮對以禮

詳臣禮恭敬章

居喪不言樂祭事不言凶公庭不言婦女

非其

時

公事不私議

嫌若姦也曲禮

朝廷曰退

近君為進疏曰謂於朝廷之

中若欲散還則稱曰退

燕遊曰歸

禮褻主於家也

師役曰罷

罷音疲罷之言罷勞也

春秋傳曰師還曰罷疏曰莊八年秋師還公羊傳曰還者何等辭也此滅同姓何善爾病之也何休云慰勞其罷病也是鄭用公羊為注也朱子曰易曰或鼓或罷與史記將軍罷休就舍之罷亦同少儀凡

言非對也妥而後傳言與君言言使臣與大人言言事

君與老者言言使弟子與幼者言言孝弟於父兄與衆

言言忠信慈祥與居官者言言忠信詳見士相見禮儼人必

於其倫儼魚起反儼猶比也倫猶類也比大夫當於大夫比士當於士不以其類則有所褻問

天子之年對曰聞之始服衣若干尺矣既不敢言年又不

能疏曰此謂幼少新立之王或有遠方異域人來不知王年大小問朝廷之臣臣答之必有法則禮齒路馬

有誅而至尊體貴故臣不敢輕言君年及形長短與才技所堪故依違而對也但云聞之謹不敢言見也云始服衣若干尺謂或五尺或六尺隨長短而言之幼則衣短長則衣長問者聞之則知王之長幼矣古者謂數為若干故儀禮數射筭云若干純若干奇若如也干求也言事本不定當如此求之也問國君之年

長曰能從宗廟社稷之事矣幼曰未能從宗廟社稷之事也問大夫之子長曰能御矣幼曰未能御也問士之子長曰能典謁矣幼曰未能典謁也問庶人之子長曰能負薪矣幼曰未能負薪也

長丁丈反下同皆言其能則長幼可知御猶主也

書曰越乃御事謂主事者謁請也謂能擯贊出入以事請告也禮四十強而仕五十命為大夫疏曰國君言

所能者辟天子也人君十五有養子之禮能主國則知十五以上未能主國則知十四以下大夫子年長幼當以二十為限也御謂主事也官有世功子學父業故有御事之稱典謁主賓客告請之事也少儀士之子長曰能耕幼曰能負薪未能負薪謂士祿薄子猶以農事為業與此不同者亦當有田無田之異此士是有田者故子免耕負薪而典謁注引曲禮釋所以問其子之義以大夫士其年既定故不假問其年而問其子也曲禮

問國君之子長幼長則曰能從社稷之事矣幼則曰

能御未能御

御謂御事疏曰幼則曰能御御治也謂已能治事若大幼則曰未能治事此治事

謂尋常小於社稷之事

問大夫之子長幼長則曰能從樂人之事

矣幼則曰能正於樂人未能正於樂人

正樂政也周禮大司樂以樂德

教國子中和祗庸孝友以樂語教國子興道諷誦言語  
以樂舞教國子舞雲門大卷大咸大韶大夏大濩大武  
道音導卷音權疏曰正謂政令以幼者  
習樂未成但聽政令於樂人受樂人所教問士之子

長幼長則曰能耕矣幼則曰能負薪未能負薪

士祿薄子以農

事為業

少儀

問國君之富數地以對山澤之所出問大夫

之富曰有宰食力祭器衣服不假問士之富以車數對

問庶人之富數畜以對

數色主反下數畜同畜許六反皆在其所制以多少對宰邑

士也食力謂民之賦稅疏曰問國君之富謂問諸侯  
之臣求知其君封內土地所出也云富者非問其多金  
帛是問最所優饒者也不問天子者率土之物莫非王  
有故不須問也數地廣狹對之又以魚鹽金錫之屬隨

有而對若晉文公謂楚成王曰羽毛齒草君地生焉是也問大夫之富非他國人問其臣也有宰明有采地食力謂食下民賦稅之力也衣服祭服也四命大夫得自造祭器衣服故不假若三命以下有田者造而不備則假借也士有地不多亦無邑宰故其屬吏但以其車數對上士三命則得賜車馬副車隨命中士乘棧車無副車也畜謂雞豚之屬

弔喪弗能賻不問其所費問疾弗能遺不

問其所欲見人弗能館不問其所舍賜人者不曰來取

與人者不問其所欲

賻音附遺于季反皆為傷恩也見人見行人館舍也與人不問其

所欲已物或時非其所欲將不與也並曲禮

問品味曰子亟食於某乎問

道藝曰子習於某乎子善於某乎

亟去翼反不斤人謙也道三德三行也

藝六藝 疏曰此明賓主相問之事雖先知其所食所習所善及其問之猶疑而稱乎乎者謙退之辭是不正指斥人所能也 少儀

入竟而問禁入國而問俗入門而問諱

竟音境 皆為敬主人也禁謂政教俗謂常所行與所惡也國中城中也 惡鳥路反 疏曰諱主人祖先之名宜先知之欲為避之也問諱而以門為限者主人禮出至大門外迎客客入門方應交接故於門為限也 不諱嫌名二名不偏諱 為其難辟也嫌名謂音聲相近不一一諱也孔子之母名徵在言在不稱徵言徵不稱在 辟音避下同禹兩並于矩反丘區並去求反 今按區字古音本讀為丘釋文一讀丘于反 疏謂丘與區音異義同皆非鄭指今不取 君所無私諱謂臣言於君前不 大夫之所有公諱 辟君諱也 疏曰辟家諱尊無二 大夫之所止得



避公家之諱不得避大夫諱所以然者尊君諱也若兼  
為大夫諱則君諱不尊也或曰大夫所有公諱者君及  
大夫諱耳亦無已之私諱見玉藻玉藻於大夫所有  
公諱無私諱注云公諱若言語所辟先君之名疏曰謂  
士與大夫言但諱君

詩書不諱臨文不諱

為其失事正

疏曰何庸

云詩書謂教學時臨文謂禮義文行事時  
謂誦讀臨文謂作文玉藻教學臨文不諱注云為惑  
不知

廟中不諱

為有事於高祖則不諱曾祖  
以下尊無二也於下則諱上

夫人之諱

雖質君之前臣不諱也

臣於夫人之家思遠也質猶對  
疏曰夫人本家所諱臣雖

對君前而言婦諱不出門

婦親遠於宮中言辟之  
疏曰門謂婦宮門婦家之諱但

於婦宮中不言耳若  
於宮外則不諱也

大功小功不諱

疏曰古者期親  
則為諱曲禮

士於君所言大夫沒矣則稱諡若字名士與大夫言名

士字大夫

君所大夫存亦名 疏曰士於君所言大夫者謂士在君前與君言論及於大夫也沒矣

則稱諡若字者君前臣名若大夫生則士呼其名沒則於君前稱彼諡無諡則稱字不呼其名敬責故也名士者士賤雖已死而此生士與君言猶呼其名也與大夫言名士字大夫者謂士與大夫言論及他生大夫士士賤故呼之名大夫貴故呼之字也若大夫士卒則字士諡大夫 玉藻 父前子名君前

臣名

對至尊無大小皆稱名 疏曰成十六年鄢陵之戰公陷于淖樂書欲載晉侯鍼曰書退鍼是書之

子對晉侯而稱書是於君前臣名其父也

君使士射不能則辭以疾言曰

某有負薪之憂

射者所以觀德唯有疾可以辭也使士射謂以備耦也憂或為疾 疏曰射法

每兩人相對以決勝負名曰耦耦貴賤必對故卿與卿耦大夫與大夫耦或奇餘不足則使士備耦故有使士射之禮若不能不得云不能但當自稱有疾所以然者射以表德士既升朝必宜有德也負薪之憂言已有擔樵之餘勞不堪射也士祿代耕且問庶人子云能負薪而今云士負薪者亦謙辭也兼言昔未為士時經擔樵今猶發動昔日之勞也白虎通云天子病曰不豫諸侯曰負子公羊云負茲未知其說孰是隱義云諸侯曰不茲大夫曰犬馬士曰負薪並曲禮

禮居是邑不非其大夫

懼於訕上荀子

國君去其國止之曰奈何去社稷也大夫曰奈何去

宗廟也士曰奈何去墳墓也

皆民臣殷勤之言疏曰大夫士去國謂三諫不從

或以罪見黜者士雖無臣民而屬吏止之也士亦有廟辟大夫言墳墓亦與大夫互也

曲禮

右言語之禮 孔子於鄉黨恂恂如也似不能言

者

恂相倫反 遜順不以賢知先人也

恂恂信實之貌似不能言者謙卑

故孔子居之其容貌辭氣如此

其在宗廟朝廷便便言唯謹爾

直朝

遙反下同便旁連反 便在朝廷政事之所出言不可不明辨故必詳問而極言之但謹而不放爾

此一節記孔子在鄉黨宗廟朝廷言貌之不同也

朝與下

夫言侃侃如也與上大夫言誾誾如也

侃若旦反 誾魚巾反

此君未視朝時也

王制諸侯上大夫卿下大夫五人許氏說文侃侃剛直也 閭閻和悅而諍也

食不語寢不言

答述曰語自言曰言 范氏曰聖人存心不他當食而食當寢而

寢言語非其時也楊氏曰肺為氣主而聲出焉寢食則氣窒而不通語言恐傷之也亦通並鄉黨

子入大廟每事問或曰孰謂鄒人之子知禮乎

入大廟每事問子聞之曰是禮也

大音泰鄒側留反大廟魯周

公廟此蓋孔子始仕之時入而助祭也鄒魯邑名孔子父叔梁紇嘗為其邑大夫孔子自少以知禮聞故或人因此而譏之孔子言是禮者敬謹之至乃所以為禮也尹氏曰禮者敬而已矣雖知亦問謹之至也其為敬莫大於此謂之不知禮者豈足以知孔子哉八佾孔子曰侍

於君子有三愆言未及之而言謂之躁言及之而

不言謂之隱未見顏色而言謂之瞽

君子有德位之通稱愆過

也替無目不能察言觀色

尹氏曰

李氏

魏中山舍

人倉唐使文侯召倉唐而見之曰擊無恙倉唐曰唯  
唯如是者三乃曰君出太子而封之國君名之非  
禮也文侯怵然為之變容問曰子之君無恙乎倉  
唐曰臣來時拜送書於庭文侯指顧左右曰子之  
君長孰與是倉唐曰禮儼人必於其倫諸侯無偶  
無所儼之曰長大孰與寡人倉唐曰君賜之外府  
之裘則能勝之賜之弁帶則不更其造

使色吏反  
見賢遍反

唯于鬼反忤尺律反為于偽  
反勝音升更音更

說苑

君子不以辭盡人

不見人之言語則以為  
善其餘行或時惡也

故天下有道則行有枝葉

天下無道則辭有枝葉

行有枝葉所以益德也言有枝葉是聚虛華也枝葉

依幹而生言行亦由禮出

是故君子於有喪者之側不能賻焉

則不問其所費於有病者之側不能饋焉則不問

其所欲有客不能館則不問其所舍

皆辟有言而無其實表

記

二名不偏諱夫子之母名徵在言在不稱徵

言徵不稱在

稱舉也雜記曰妻之諱不舉諸其側擅方

范獻子聘

于魯

范獻子宣子之子士鞅也聘在魯昭二十二年

問具山教山魯人以

其鄉對

言其鄉之山也

獻子曰不為具教乎對曰先君獻

武之諱也

獻伯禽之曾孫微公之子獻公具也武獻公之庶子武公教也

獻子歸

徧告其所知曰人不可以不學吾適魯而名其二

諱為笑焉唯不學也

言學則必知諱不見笑也禮入境而問禁入門而問諱

人之有學也如木之有枝葉也木有枝葉猶庇蔭

人而況君子之學乎

國語晉語

晉獻文子成室晉大

夫發焉

文子趙武也作室成晉君獻之謂賀也諸大夫亦發禮以往

張老曰美



哉輪焉美哉與焉

心譏其奢也輪輪困言高大與言衆多

歌於斯哭

於斯聚國族於斯

祭祀死喪燕會於此足矣言此者欲防其後復為

文子

曰武也得歌於斯哭於斯聚國族於斯是全要領

以從先大夫於九京也北面再拜稽首

全要領者免於刑誅

也晉卿大夫之墓地在九原京蓋字之誤也當為原

君子謂之善頌善禱

善頌

謂張老之言善禱謂文

子之言禱求也

檀弓

凡尊必尚玄酒

不忘古也

唯君面尊

面猶鄉也燕禮曰司官尊于東楹之西兩方壺

左玄酒公尊瓦兩大兩有豐在尊南面上

唯饗野人皆酒

飲賤者不備禮

尊

者以酌者之左為上尊

尊者設尊者也酌者鄉尊其左則右尊也

尊壺者面

其鼻

鼻在面中言鄉人也

凡洗必盥

先盥乃洗爵先自潔也盥有不洗也並少儀

飲玉爵者弗揮

為其寶而脆曲禮

飲酒者襍者醕者有折俎

不坐

折俎尊微之乃坐也已沐飲曰襍酌始冠曰醕

取俎進俎不坐

以其有足亦柄

尺之類

其有折俎者取祭反之不坐燔亦如之

亦為柄尺之類

也燔炙也鄉射曰賓奠爵于薦西取肺

尸則坐

尸尊也少牢饋

坐絕祭左手齊之興加于俎坐悅手

食禮曰尸左執爵右兼取肝肺擣于

諸侯無故不殺

俎鹽振祭齊之加于菹豆並少儀

牛大夫無故不殺羊士無故不殺犬豕庶人無故不食

珍

故謂祭饗王制

牛羊之肺離而不提心

提猶絕也剉離之不絕中央少

者使易絕以祭耳

君子不食圉腴

周禮國作黍謂犬豕之屬食未穀者也腴有似於人

穢

羞首者進喙祭耳

耳出見也並少儀

大祝辨九祭一曰

命祭二曰衍祭三曰炮祭四曰周祭五曰振祭六曰擣

祭七曰絕祭八曰繚祭九曰共祭

杜子春云命祭祭有所主命也振祭振讀

為慎禮家讀振為振旅之振擣祭擣讀為虞尚之尚鄭司農云衍祭美之道中如今祭殤無所主命周祭四面為坐也炮祭燔柴也爾雅曰祭天曰燔柴擣祭以肝肺道擣鹽醢中以祭也繚祭以手從肺本循之至於未乃絕以祭也絕祭不循其本直絕肺以祭也重肺賤肝故初祭絕肺以祭謂之絕祭至祭之末禮殺之後但擣肝

鹽中振之擬之若祭狀弗祭謂之振祭特牲饋食禮曰  
取菹擣于醢祭于豆間鄉射禮曰取肺生絕祭鄉飲酒  
禮曰右取肺左卻手執本坐弗繇右絕末以祭少牢曰  
取肝擣于鹽振祭玄謂九祭皆謂祭食者命祭者玉藻  
曰君若賜之食而君客之則命之祭然後祭是也衍字  
當為延炮字當為包聲之誤也延祭者曲禮曰客若降  
等執食與辭主人興辭於客然後客坐主人延客祭是  
也包猶兼也兼祭者有司曰宰夫贊者取白黑以授尸  
尸受兼祭于豆祭是也周猶徧也徧祭者曲禮曰般之  
序徧祭之是也振祭擣祭本同不食者擣則祭之將食  
者既擣必振乃祭也絕祭繇祭亦本同禮多者繇之禮  
略者絕則祭之共猶授也王祭食宰夫授祭孝經說曰  
共綏執授  
春官  
凡齊執之以右居之於左  
齊謂食羹醬飲  
於左手之上右手  
有齊和者也居  
執而正之由便也  
凡羞有滑者不以齊  
齊和也  
並少儀

羹之有菜者用挾其無菜者不用挾

挾猶箸也今人或謂挾為挾提曲

禮

未步爵不嘗羞

步行也少儀

為天子削瓜者副之巾

以締

副析也既削又四析之乃橫斷之而中覆焉

為國君者華之巾以綌

華中

裂之不四析也

為大夫累之

累保也謂不中覆也

士薨之

不中裂橫斷去薨而已

庶

人齟之

不橫斷曲禮

食棗桃李弗致於核

恭也弗致者謂不置於地瓜

祭上環食中棄所操

上環頭付也頭所切一環也

朱子曰頭付謂薨以其所生之本味

最甘美又先斷而不污故以為祭中者中環也亦甘且潔故棄之而不

食也

玉藻

為君子擇葱薤則絕其本末

為有萎乾少

儀

一室之人非賓客一人徹

同事合居者也賓客則各徹其饌也

壹食

之人一人徹

壹猶聚也為赴事聚食也

凡燕食婦人不徹

婦人質不備禮玉

藻

餽餘不祭父不祭子夫不祭妻

食人之餘曰餽餽而不祭唯此類也

食尊者之餘則祭盛之以為榮若賜熟食則恐是餽餘故不祭妻子雖卑於已然既沒則以神道接之故亦不以祭也

曲禮

右飲食之禮

凡言賓主之事附相見禮侍食於君者附臣禮事長者附少儀其雜者附

此篇

有虞氏祭首夏后氏祭心殷祭肝周祭肺

氣主

盛也明堂位

食不厭精膾不厭細

食飯也精鑿也牛羊與魚之腥鼎而

切之為膾食精則能養人膾粗則能害人  
不厭言以是為善非謂必欲如是也  
食體而謁

魚餒而肉敗不食色惡不食臭惡不食失飪不食

不時不食

體飯傷熱濕也謁味變也魚爛曰餒肉腐曰敗色惡臭惡未敗而色臭變也飪

烹調生熟之節也不時五穀不成果實未熟之類此數者皆足以傷人故不食  
割不正不

食不得其醬不食

割肉不方正者不食造次不離於正也漢陸績之母切肉未嘗

不正斷葱以寸為度蓋其質美與此暗合也食肉用醬各有所宜不得則不食惡其不備也此二者

無害於人但不以嗜味而苟食耳

肉雖多不使勝食氣惟酒無量

不及亂

食以穀為主故不使肉勝食氣酒以為人合歡故不為量但以醉為節而不及亂耳

程子曰不及亂者非惟不使亂志雖血氣亦不可使亂但浹洽而已可也沽酒市脯不

食

沽市皆買也恐不精潔或傷人也與不當康子之藥同意

不撤薑食

薑通神明去穢

惡故

不多食

適可而止無貪心也

祭於公不宿肉祭肉不出

三日出三日不食之矣

助祭於公所得胙肉歸即頒賜不俟經宿者不留神

惠也豕之祭肉則不過三日皆以分賜蓋過三日則肉必敗而人不食之是褻鬼神之餘也但比君所賜胙可

食不語寢不言

答述曰語自言曰言范氏曰聖人存心不他當

食而食當寢而寢言語非其時也楊氏曰肺為氣主而聲出焉寢食則氣窒而不通語言恐傷之也亦雖疏食菜羹瓜祭必齊如也

古人飲食每種各出少許置之豆間



之地以祭先代始為飲食之人不忘本也齊嚴敬貌孔子雖薄物必祭其祭必敬聖人之誠也此

一節記孔子飲食之節謝氏曰聖人飲食如此非極口腹之欲蓋養氣體不以傷生當如此然聖人之所不食窮口腹者或反食之

欲心勝而不暇擇也

論語

齊大饑黔敖為

食於路以待饑者而食之有餓者蒙袂輯屨貿貿

然來

蒙袂不欲見人也輯歛也歛屨力也貿貿目不明之貌

黔敖左奉

食右執飲曰嗟來食揚其目而視之曰予唯不食

嗟來之食以至於斯也

嗟來食雖閔而呼之非敬辭

從而謝焉

終不食而死

從猶就也

曾子聞之曰微與其嗟也可去

其謝也可食

微猶無也無與止其  
狂狷之辭壇弓

為人祭曰致福為已祭而致膳於君子曰膳祔練曰告

此皆致祭禮之餘於君子攝主言致福申其辭  
也自祭言膳謙也祔練言告不敢以為福膳也凡膳告

於君子主人展之以授使者於阼階之南南面再拜稽

首送反命主人又再拜稽首

展者具也

其禮大牢則以牛左

肩臂臠折九箇少牢則以羊左肩七箇膾豕則以豕左

肩五箇

折斷分之也皆用左者右以祭也  
羊豕不言臂臠因牛序之可知

其以乘壺

酒束脩一犬賜人若獻人則陳酒執脩以將命亦曰乘

壺酒束脩一犬

陳重者執輕者便也乘壺四壺也酒謂清也糴也不言陳犬或無脩者牽犬以

致命也於卑者曰賜於尊者曰獻

其以鼎肉則執以將命

鼎肉謂牲體已解可升於

鼎

其禽加於一雙則執一雙以將命委其餘

加猶多也

犬則

執緹守犬田犬則授擯者既受乃問犬名牛則執紉馬

則執靽皆右之

緹靽靽皆所以繫制之者守犬田犬問名畜養者當呼之名謂若韓盧宋鵲之

屬右之者執之宜由便也

臣則左之

異於衆物臣謂因俘

車則說綏執以將命

甲若有以前之則執以將命無以前之則袒橐奉胄

甲鎧

也有以前之謂他摯帶也橐鞞鎧衣也胄兜鍪也袒其衣出兜鍪以致命

器則執蓋

謂有表裏

弓

則以左手屈韞執拊

韞弓衣也左手屈衣并於拊執之而右手執蕭

劍則啓積

蓋襲之加夫褱與劍焉

積謂劍函也襲卻合之夫褱劍衣也加劍於衣上夫或為煩皆

發聲

笏書脩苞苴弓茵席枕几穎杖琴瑟戈有刃者積筴

籥其執之皆尚左手

苞苴謂編束蕉葦以裹魚肉也茵著蓐也穎警枕也筴薈也籥如笛

三孔皆十六物也左手執上陽也右手執下下陰也

刀卻刃授穎削授拊

辟用時穎

鐐也拊謂杞

凡有刺刃者以授人則辟刃

辟刃不以正鄉人也並少儀

水潦降不獻魚鼈

不饒多也

獻鳥者佛其首

為其喙害人也佛度也蓋為小

竹籠以冒之

畜鳥者則勿佛也

畜養也養則馴

獻車馬者執策綏獻

甲者執胄獻杖者執末獻民虜者操右袂獻粟者執右

契獻米者操量鼓獻熟食者操醬齊獻田宅者操書致

凡操執者謂手所舉以告者也設其大者舉其小者便也甲鎧也胄兜鍪也民虜軍所獲也操其右袂制之契

券要也右為尊量鼓量器名凡遺人弓者張弓尚筋弛弓尚肉

弓有往來

體皆欲令其常曲墮然順也遺人無時已定體則張之未定體則弛之右手執簫左手承

弣簫弣頭也謂之簫尊卑垂悅悅佩巾也磬折則佩垂授受之儀尊卑一朱

子曰此謂賓主雖或一尊一卑然皆當磬折垂悅也若主人拜拜受則客還辟辟

拜辟拜謙不敢當主人自受由客之左接下承弣由從也從客之左右客尊

之接下接客手下也承

鄉與客並然後受

於堂上則俱南面禮敵者

並授進劍者左首

左首尊也

進戈者前其鎛後其刃進矛戟者

前其鎡

後刃敬也三兵鎛鎡雖在下猶為首銳底曰鎛取其鎛地平底曰鎡取其鎡地

進几杖

者拂之

尊者所馮依拂去塵敬

效馬效羊者右牽之

用右手便效猶呈見

犬者左牽之

犬齟齬人右手當禁備之

執禽者左首

左首尊

飾羔鴈者

以績

績畫也諸侯大夫以布天子大夫以畫

受珠玉者以掬

慎也掬手巾

受弓

劍者以袂

敬也

凡以弓劍苞苴簞笥問人者

問猶遺也苞苴裏魚肉或

以葦或以茅簞笥盛飯食者圓曰簞方曰笥

操以受命如使之容

謂使者曲禮

君將適他臣如致金玉貨貝於君則曰致馬資於有司

敵者曰贈從者

適他行朝會也資猶用也贈送也少儀

凡於尊者有獻

而弗敢以聞

此所獻亂也少儀曰君將適他臣若致金玉貨貝於君則曰致馬資於有司是其類也

凡獻於君大夫使宰士親皆再拜稽首送之也膳

於君有葷桃茹於大夫去茹於士去葷皆造於膳宰膳

食也葷桃茹辟凶邪也大夫用葷桃士桃而已葷薑及辛菜也茹炎帚也造於膳宰既致命而授之葷或作煮

凡賜君子與小人不同日

慎於尊卑

大夫親賜士士拜

受又拜於其室衣服弗服以拜

異於君惠也拜受又就拜於其家是所謂再拜

也敵者不在拜於其室

謂來賜時不見也見則不復往也

酒肉之賜

弗再拜

輕也受重賜者拜受又拜於其室也並玉藻

君子於有饋者弗能

見則不視其饋

饋遺也不能見謂有疾也不視猶不內也坊記

右問遺之禮

問人於他邦再拜而受之

拜送使者如親

見之敬也

康子饋藥拜而受之曰丘未達不敢嘗

范氏曰凡

賜食必嘗以拜藥未達則不敢嘗受而不飲則虛人之賜故告之如此然則可飲而飲不可飲而不飲皆在其中矣楊氏曰大夫有賜拜而受之禮也未達不敢嘗謹疾也必告之直也此一節記孔子與人交之誠意

朋友之饋雖車馬非祭肉不拜

朋友有通



財之義故雖車馬之重不拜祭肉則拜者敬其祖考同於已親也

並論語

陽貨欲

見孔子而惡無禮大夫有賜於士不得受於其家則往拜其門陽貨闕孔子之亡也而饋孔子蒸豚孔子亦闕其亡也而往拜之當是時陽貨先豈得

不見

欲見孔子欲召孔子來見已也惡無禮畏人以已為無禮也受於其家對使人拜受於家

也其門大夫之門也闕窺也陽貨於魯為大夫孔子為士故以此物及其不在而饋之欲其來拜而見之也先謂先來

孟子

吳公子札聘於鄭見子產如

舊相識與之縞帶子產獻紵衣焉

大帶也吳地貴縞鄭地貴紵故

各獻已所貴示損已而不為彼  
貨利 襄二十九年左氏傳

子思在魯使以

書如衛問子上子上北面再拜受書伏讀然後與  
使者宴遂為復書返中庭北面再拜以授使者既  
受書然後退使者還魯問子思曰吾子堂上南面  
立授臣書事畢送臣子上中庭拜授臣書而不送  
何也子思曰拜而不送敬也使而送之賓也  
訓 陳臻問曰前日於齊王餽兼金一百而不受  
於宋餽七十鎰而受於薛餽五十鎰而受前日之

孔叢  
子雜

不受是則今日之受非也今日之受是則前日之

不受非也夫子必居一於此矣

陳臻孟子弟子兼金好金也其價兼

倍於常者一百百鎰也

孟子曰皆是也

皆適於義也

當在宋也予

將有遠行行者必以贖辭曰餽贖予何為不受

贖送

行者之禮也

當在薛也予有戒心辭曰聞戒故為兵餽

之予何為不受

時人有欲害孟子者孟子設兵以戒備之薛君以金餽為孟子兵備

辭曰聞子之有戒心也

若於齊則未有處也無處而餽之是

貨之也焉有君子而可以貨取乎

無遠行戒心之事是未有所處

也取猶致也 尹氏曰君子之辭  
受取予唯當於理而已 孟子

國君不乘奇車

出入必正也 奇車獵衣之屬

車上不廣效

為若自矜 廣猶弘也

不妄指

為惑 衆

立視五雋

立平視也 雋猶規也 謂輪轉之度雋或為樂

式視馬

尾顧不過轂

為掩 在後

國中以策彗卹勿驅塵不出軌

入

不馳彗竹帚卹勿搔摩也 朱子曰策彗  
疑謂策之彗若 今時鞭末韋帶耳

曲禮

鸞設於鑣

和設於軾馬動而鸞鳴鸞鳴而和應行之節也

鸞和皆鈴也

韓詩  
內傳

坐乘以經坐之容手撫式視五旅欲無顧顧不

過轂小禮動中禮式大禮下坐車之容也立乘以經立

之容右持綏而左臂詘存劍之緯欲無顧顧不過轂小

禮據中禮式大禮下立車之容也禮介者不拜兵車不

式不顧不言反抑式以應武容也兵車之容也

賈誼容經

國君下齊牛式宗廟大夫士下公門式路馬

皆廣敬也疏曰案

齊右職注云王見牲則拱而式又引曲禮曰國君下宗廟式齊牛與此文異熊氏云此文誤當以周禮注為正

君子式黃髮

敬老也

下卿位

尊賢也卿位卿之朝位也君出過之而上車入未至

而下

入國不馳

愛人也馳善簡人也

入里必式

不誣十室並曲禮

公行

下衆

公諸侯也下衆不敢誣衆也禮國君下卿位遇衆則式禮之也

國君撫

式大夫下之大夫撫式士下之

撫猶據也據式小俛崇敬也乘車必正立曲

禮

乘貳車則式佐車則否

貳車佐車皆副車也朝祀之副曰貳戎獵之副曰佐

魯莊公敗于乾時公喪戎路傳乘而歸少儀

婦人不立乘

異於男子曲禮

右乘車之容

升車必正立執綏

綏挽以上車之索也范氏曰正

立執綏則心體無不正而誠意肅恭矣蓋君子莊敬無所不在升車則見於此也

車中不

內顧不疾言不親指

內顧回視也禮曰顧不過穀三者皆失容且惑人此一

節記孔子升車之容

凶服者式之式負版者

式車前橫木有所敬則俯

而憑之負版持邦國圖籍者式此二者哀有喪重民數也人惟萬物之靈而王者之所天也故周禮

獻民數于王王拜受之況其  
下者敢不敬乎並論語

君車將駕則僕執策立於馬前

監駕且為馬行

已駕僕展軔

展軔

具視效駕白已

奮衣由右上取貳綏

奮振去塵也貳副也

跪乘

未敢立敬

也執策分轡驅之五步而立

調試之

君出就車則僕并轡

授綏

車上僕所主

左右攘辟

謂羣臣陪位侍駕者攘卻也或曰攘古讓字

車驅而

騶至於大門君撫僕之手而顧命車右就車門閭溝渠

必步

車右勇力之士備制非常者君行則陪乘君式則下步行

凡僕人之禮必授人

綏若僕者降等則受不然則否若僕者降等則撫僕之

手不然則自下拘之

撫小止之謙也自下拘之由僕手下取之也僕與已同爵則不受

僕御婦人則進左手後右手

遠嫌

御國君則進右手後左

手而俯

敬也曲禮

執君之乘車則坐

執執轡謂守之也君不在車坐示不

行

僕者右帶劍負良綏申之面拖諸辟

面前也辟覆苓也良綏君綏也

負之由左肩上入右掖下申之於前覆苓上也

以散綏升執轡然後步

步行也

僕於君子君子升下則授綏始乘則式君子下行然後

還立

還車而立以俟其去

酌尸之僕如君之僕

當其為尸則尊

其在車

則左執轡右受爵祭左右軌范乃飲

周禮大御祭兩軹祭軌乃飲軌與軹



於車同轡頭也軌與范聲  
同謂軾前也並少儀

### 右僕御之禮

禮從宜

事不可常也晉士匄帥師侵齊聞齊侯卒乃還春秋善之

使從俗

亦事不可常也牲幣

之屬則當從俗所出禮器曰天不生地不養君子不以為禮鬼神不饗

君子行禮不求

變俗

求猶務也不務變其故重本也謂去其先祖之國居他國

祭祀之禮居喪之服

哭泣之位皆如其國之故謹修其法而審行之

其法謂其先祖

之制度若夏殷

去國三世爵祿有列於朝出入有詔於國

三世自祖

至孫踰久可以變故俗而猶不變者爵祿有列於朝謂君不絕其祖祀復立其族若滅統奔邦立戚為矣詔告

也謂與卿大夫吉  
凶往來相赴告

若兄弟宗族猶存則反告於宗後

謂無

列無詔者反告亦謂  
吉凶也宗後宗子也

去國三世爵祿無列於朝出入無

詔於國唯興之日從新國之法

以故國與己無恩  
興謂起為卿大夫

貧

者不以貨財為禮老者不以筋力為禮

禮許儉不非無  
也年五十始杖

八十拜君命一坐  
再至並曲禮

### 右從宜從俗

將適舍求母固

謂行而就人館固猶常也求主人物不  
可以舊常致時乏無周禮土訓辨地物

原其生以詔  
地求其類

將上堂聲必揚

驚內人也

戶外有二屨言聞則

入言不聞則不入將入戶視必下入戶奉局視瞻毋回

不干掩人之私也奉局敬也

戶開亦開戶闔亦闔

不以後未變先

有後入者

闔而勿遂

示不拒人

離坐離立毋往參焉離立者不出中

間

為干人私也離兩也並曲禮

登席不由前為躡席

升必由下也

徒坐

不盡席尺

示無所求於前不忘謙也

讀書食則齊豆去席尺

讀書聲當聞尊

者食為汚席也玉藻

執虛如執盈入虛如有人

慎重

凡祭於

室中堂上無跣燕則有之

祭不跣者主敬也燕則有跣為敬也天子諸侯祭有生尸

於堂之禮祭所尊在室燕所尊在堂將燕降說屨乃升堂

並少儀

登城不指城上不

呼

為慈人

當食不歎

食或以樂非歎所

臨樂不歎

客車不入

大門

謙也

夫馬不上於堂

非摯幣也並曲禮

右雜記

孟子既娶將入私室其婦袒而在內孟

子不悅遂去不入婦辭孟母而求去曰妾聞夫婦

之道私室不與焉今者妾竊墮在室而夫子見妾

勃然不悅是客妾也婦人之義蓋不容宿請歸父


母孟母召孟子而謂之曰夫禮將入門問孰存所

以致敬也將上堂聲必揚所以戒人也將入戶視

必下恐見人過也今子不察於禮而責禮於人不  
亦遠乎孟子謝遂留其婦君子謂孟母知禮而明

於姑母之道

列女  
傳



禮書綱目卷七十六

欽定四庫全書

經部

禮書綱目卷

七十七至  
八十一

詳校官監察御史臣左周

給事中臣溫常綬覆勘

總校官進士臣何思鈞

校對官中書臣金光悌

謄錄監生臣張鈞

欽定四庫全書

禮書綱目卷七十七

蔡源江永撰

內則

曲禮二

補

后王命冢宰降德于衆兆民

后君也德猶教也萬億曰兆天子曰兆民諸侯曰萬

民周禮冢宰掌飲食司徒掌十二教今一云冢宰記者據諸侯也諸侯并六卿為二或兼職焉

子事父

母雞初鳴咸盥漱櫛紒笄總拂髦冠緌纓端韞紳搢笏

咸皆也紒韞髮者也總束髮也垂後為飾拂髦振去塵著之髦用髮為之象幼時髻其制未聞緌纓之飾也端



玄端士服也。庶人深衣。紳大帶。所以自紳。約也。搢猶扱也。扱笏于紳。笏所以記事也。左右佩用。自

也。必佩者。備尊者使令也。左佩紛悅刀。礪小觶。金燧。紛悅。拭物之巾。也。今齊人有言。

紛者。刀礪小刀及礪礮也。小觶。解小結之觶。貌如錐。以象骨為之。金燧。可取火於日。右佩玦。捍管

帶大觶。木燧。捍謂拾也。言可以捍弦也。管。箏。偃。偃。行。屨。張也。帶刀。鐸也。木燧。鑽火也。管。箏。偃。偃。行。屨。

著綦。綦。屨。繫也。婦事舅姑如事父母。雞初鳴。咸盥漱。櫛。篋。簪。

總衣。紳。簪。今簪也。衣。紳。衣而著紳。左佩紛悅刀。礪小觶。金燧。右佩箴。

管線。續施繫。袞大觶。木燧。繫小囊也。繫袞。言施明為箴。管線。續有之。衿纓。綦。

屨。衿。猶結也。婦人。有纓。示繫屬也。以適父母舅姑之所。適。及所下氣。怡。

聲問衣燠寒疾痛疴瘰而敬抑搔之

怡悅也疴疥也出抑按癢摩也

入則或先或後而敬扶持之

先後之隨時便也

進盥少者奉槃

長者奉水請沃盥盥卒受巾

槃承盥水者巾以挽手

問所欲而敬

進之柔色以溫之

溫藉也承尊者必和顏色

饴醢酒醴芼羹菽麥蕡

稻黍粱秫唯所欲

醢醢也芼菜也蕡熬粱實

棗栗飴蜜以甘之藟苡

粉榆兔薨滫瀡以滑之脂膏以膏之

謂用調和飲食也藟苡類也冬用藟

夏用萱榆白曰粉兔免新生者薨乾也秦人洩曰滫齊人滑曰瀡也

父母舅姑必嘗之而

後退

敬也

男女未冠笄者雞初鳴咸盥漱櫛縱拂髦總

角衿纓皆佩容臭

總角叔髮結之容臭香物也以纓佩之為迫尊者給小使也

昧爽

而朝

後成人也

問何食飲矣若已食則退若未食則佐長者

視具

具饌也

凡內外雞初鳴咸盥漱衣服歛枕簞灑埽

室堂及庭布席各從其事

斂枕簞者不欲人見已褻也簞席之親身者

孺子

蚤寢晏起唯所欲食無時

孺子小子也又後未成人者

由命士以

上父子皆異宮昧爽而朝慈以旨甘日出而退各從其

事日入而夕慈以旨甘

異宮崇敬也慈愛敬進之日出乃從事食祿不免農也

父母舅姑將坐奉席請何鄉將衽長者奉席請何趾少

者執牀與坐

將衽謂更卧處

御者舉几歛席與簞縣衾篋枕歛

簞而襦之

也須卧乃數之也襦韜也

父母舅姑之衣衾簞席枕几不

傳杖屨祇敬之勿敢近

傳移也

敦牟卮匱非餒莫敢用

乃餒

用之牟讀曰塾也卮匱酒漿器敦牟黍稷器也

與恒飲食非餒莫之敢飲食

乃餒

食之恒常也旦夕之常食

父母在朝夕恒食子婦佐餒

婦皆與夫餒也既

食恒餒

每食進而盡之未有原也

父没母存冢子御食羣子婦佐餒

如初

御侍也謂長子侍母食也侍食者不餒其婦猶皆餒也

旨甘柔滑孺子餒

父母在子雖老不坐

在父母舅姑之所有命之應唯

敬對進退周旋慎齊

齊莊也

升降出入揖遊不敢噦噫嚏

咳欠伸跛倚睇視不敢唾洩

睇傾視也易曰明夷睇于左股

寒不敢襲

癢不敢搔

襲謂重衣

不有敬事不敢袒裼不涉不擗

擗揭衣也

褻

衣衾不見裏

為其可穢

父母唾洩不見

輒刷去之

冠帶垢和灰請

漱衣裳垢和灰請澣

手曰漱足曰澣和漬也

衣裳綻裂紉箴請補

綴綻猶

解也

五日則燂湯請浴三日具沐其間面垢燂潘請

澣足垢燂湯請洗

潘米澣也

少事長賤事貴共帥時

共猶皆也帥循

也時是也禮皆如此也

子婦孝者敬者父母舅姑之命勿逆勿

急

朱子曰此謂不可變節以傷尊者平日慈愛之心也

若飲食之雖不嗜必嘗而

待

待後命而去也

加之衣服雖不欲必服而待

待後命釋藏也

加之事

人代之已雖弗欲姑與之而姑使之而後復之

朱子曰弗欲者

慮以自逸而違命姑與姑使者嫌於怨懟而必爭

子婦有勤勞之事雖甚愛之

姑縱之而寧數休之

不可愛此而移苦於彼也

子婦未孝未敬勿庸

疾怨

庸之言用也

姑教之若不可教而后怒之

怒譴責也

不可怒

子放婦出而不表禮焉

表猶明也猶為之隱不明其犯禮之過也

父母有

過下氣怡色柔聲以諫諫若不入起敬起孝說則復諫

子事父母有隱無犯起猶更也

不說與其得罪於鄉黨州閭寧熟諫

子從

父之令不可謂孝也周禮曰二十五家為閭四閭為族五族為黨五黨為州五州為鄉也

父母怒不

說而撻之流血不敢疾怨起敬起孝

撻擊也

父母有婢

子若庶子庶孫甚愛之雖父母沒沒身敬之不哀

婢子所通

賤人之子

子有二妾父母愛一人焉子愛一人焉由衣服飲

食由執事母敢視父母所愛雖父母沒不哀

由目也

子甚

宜其妻父母不說出

宜猶善也

子不宜其妻父母曰是善事

我子行夫婦之禮焉沒身不衰

父母雖沒將為善思

貽父母令名必果將為不善思貽父母羞辱必不果

貽遺

也果決也

舅沒則姑老

謂傳家事於長婦也

冢婦所祭祀賓客每事

必請於姑

婦雖受傳猶不敢專行也

介婦請於冢婦

以其代姑之事介婦衆婦

舅

姑使冢婦毋怠

雖有勤勞不敢懈倦

不友無禮於介婦

衆婦無禮冢婦不友

之也善兄弟為友娣姒猶兄弟也

朱子曰此

舅姑若

使介婦毋敢敵耦於冢婦

雖有勤勞不敢掉磬

不敢並行不敢並

命不敢並坐

下冢婦也命為使令

凡婦不命適私室不敢退

侍婦

舅姑者也

婦將有事大小必請於舅姑

不敢專行

子婦無私貨無



私畜無私器不敢私假不敢私與

家事統於尊也

婦或賜之飲

食衣服布帛佩悅蒞蘭則受而獻諸舅姑舅姑受之則

喜如新受賜

或賜之謂私親兄弟

若反賜之則辭不得命如更受

賜藏以待乏

待舅姑之乏也不得命者不見許也

婦若有私親兄弟將與

之則必復請其故賜而後與之

並內則

凡為人子之禮

冬溫而夏清昏定而晨省

定安其牀衽也省問其安否何如

在醜夷不

爭

醜衆也夷猶齊也四皓曰陛下之等夷

夫為人子者三賜不及車馬

三賜三命也凡仕者一命而受爵再命而受衣服三命而受車馬車馬而身所以尊者備矣卿大夫士之子不

受不敢以成尊比踰於父天子  
諸侯之子不受自卑遠於君  
故州閭鄉黨稱其孝也

兄弟親戚稱其慈也僚友稱其弟也執友稱其仁也交

遊稱其信也  
不敢受重賜者心也如此而五者備有焉  
夫為人子者出必

告反必面  
告面同耳反言面者從外來宜知親之顏色安否  
所遊必有常所習

必有業  
緣親之意欲知之  
恒言不稱老  
廣敬  
為人子者居不主

與坐不中席行不中道立不中門  
謂與父同宮者也不敢當其尊處室中西

南隅謂之與道有左右中門謂棖闌之  
中央內則曰由命士以上父子皆異宮  
食饗不為概  
概量

也不制待賓客  
饌具之所有  
祭祀不為尸  
尊者之處為其失子之道然則尸卜筮無父者聽

於無聲視於無形

恒若親之將有教使然

不登高不臨深不苟訾

不苟笑

為其近危辱也人之性不欲見毀訾不欲見笑君子樂然後笑

孝子不服闇不

登危懼辱親也

服事也闇冥也不於冥闇之中從事為卒有非常且嫌失禮也男女夜行以燭

父母存不許友以死

為忘親也死為報仇讐

不有私財

並曲禮

未仕者不敢稅人如稅人則以父兄之命

不專家財也稅謂遺予人

弓

檀

親在行禮於人稱父人或賜之則稱父拜之

統事

於尊玉藻

父子不同席

異尊卑也

父前子名

對至尊無大小皆稱名

子於父母則自名也

名父母所為也

子之事親也三諫而

不聽則號泣而隨之

至親無去志在感動之並曲禮

父命呼唯而

不諾手執業則投之食在口則吐之走而不趨

至敬親老

出不易方復不過時

不可以憂父母也易方為其不信已所處也復反也

親齊色

容不盛此孝子之疏節也

言未為至孝也王季有疾文王色憂行不能正履玉藻

父母有疾冠者不櫛行不翔

憂不為容也

言不惰

憂不在私好

琴瑟不御

憂不在樂

食肉不至變味飲酒不至變貌

憂不在味笑

不至矧怒不至詈

憂在心難變也齒本曰矧大笑則見

疾止復故

自若常也

親有疾飲藥子先嘗之

嘗度其所堪

醫不三世不服其藥

慎物

齊也

並曲禮

事親有隱而無犯

隱謂不稱揚其過失也無犯不犯顏而諫論語曰事

父母

幾諫左右就養無方

左右謂扶持之方猶常也子則然無常人

服勤至死致

喪三年

勤勞辱之事也致謂戚容稱其服也凡此以恩為制

父没而不能

讀父之書手澤存焉耳母没而杯圈不能飲焉口澤之

氣存焉爾

孝子見親之器物哀惻不忍用也圈屈木所為謂厄匱之屬

為人子

者父母存冠衣不純素

為其有喪象也純緣也玉藻曰編冠玄武子姓之冠也編冠素

純既祥之冠也深衣

曰具父母純以青

孤子當室冠衣不純采

早喪親雖除喪不心

哀也謂年未三十者三十壯有室有代親之端不為孤也當室適子也深衣曰孤子衣純以素

君子

已孤不更名

亦重本

已孤暴貴不為父作諡

子事父無貴賤並曲禮

右事親事長

凡聖賢論孝之言詳見孝經篇後

禮始於謹夫婦為宮室辨外內男子居外女子居內深

宮固門閭寺守之男不入女不出

閭掌中門之禁也寺掌內人之禁令也

男不言內女不言外

謂事業之次序

非祭非喪不相授器

祭嚴

喪遽不嫌也

其相授則女受以篚其無篚則皆坐奠之而後

取之

奠停地也

外內不共井不共湢浴不通寢席不通乞假

男女不通衣裳內言不出外言不入

湢浴室也

男子入內不

嘯不指夜行以燭無燭則止

嘯讀為叱叱嫌有隱使也

女子出門必

擁蔽其面夜行以燭無燭則止

擁猶幃也

道路男子由右女

子由左

地道尊右內則

男女不雜坐不同櫬枷不同巾櫛

不親授嫂叔不通問諸母不漱裳外言不入於梱內言

不出於梱女子許嫁纓非有大故不入其門姑姊妹女

子子已嫁而反兄弟弗與同席而坐弗與同器而食

皆謂

重別防淫亂不雜坐謂男子在堂女子在房也櫬可以枷衣者通問謂相稱謝也諸母庶母也漱幹也庶母賤可使漱衣不可使漱裳裳賤尊之者亦所以遠別外言內言凡女子職也不出入者不以相問也梱門限也女

子許嫁繫纓有從人之端也大故宮中有災變若疾病乃後入也女子有宮者亦謂由命士以上也春秋傳曰羣公子之舍則已卑矣女子十年而不出嫁乃成人可以出矣猶不與男子共席而坐亦遠別也男

女異長

各自為伯季也

男女非有行媒不相知名

謂媒往來傳婚姻之言乃

相知姓名

非受幣不交不親

重別有禮乃相纏固

寡婦之子非有見焉

弗與為友

辟嫌也有見謂有奇才卓然衆人所知並曲禮

道路男子由右

女子由左車從中央

道中三途遠別也王制

男女相答拜也

嫌遠

別不相答拜以明之曲禮

右男女之別

男女無媒不交無幣不相見恐男



女之無別也

重男女之會所以遠別之於禽獸也  
有幣者必有媒有媒者不必有幣仲

春之月會男女  
之時不必待幣

以此坊民民猶有自獻其身

獻猶進也

禮非祭男女不交爵

交爵謂相獻酢

以此坊民陽侯猶殺

繆侯而竊其夫人

同姓也以貪夫人之色  
至殺君而立其國未聞

故大饗

廢夫人之禮

大饗享諸侯來朝者  
也夫人之禮使人攝

寡婦之子不有

見焉則弗友也君子以辟遠也

有見謂睹其才  
藝也同志為友

故

朋友之交主人不在不有大故則不入其門

大故喪疾

以此坊民民猶以色厚於德子云好德如好色

此句

似不足論語曰未見好德如好色  
疾時人厚於色之甚而薄於德也  
諸侯不下漁色

謂不內取於國中  
也內取國中為下  
漁色昏禮始  
納采謂采擇其可者也  
國君而內取象捕魚然中

網取之是

無所擇

故君子遠色以為民紀  
故男女授受不

親

不親者不以手相與也  
內則曰非祭非喪不相  
授器其相授則女受以  
簠其無簠則皆坐奠之

而後  
取之

御婦人則進左手

御者在右前左  
手則身微偕之

姑姊妹女

子子已嫁而反兄弟弗與同席而坐

女子十年而  
不出也嫁及

成人可以出矣猶不與  
男子共席而坐遠別

寡婦不夜哭

嫌思  
人道

婦人疾

問之不以具疾

嫌媚畧之也  
問增損而已

以此坊民民猶淫泆

而亂於族

亂族犯非妃  
匹也 坊記

淳于髡曰男女授受不

親禮與孟子曰禮也曰嫂溺則援之以手乎曰嫂

溺不援是豺狼也男女授受不親禮也嫂溺援之

以手者權也

淳于姓髡名齊之辨士授與也受取  
也古禮男女不親授受以遠別也援

救之也權稱錘也稱物輕重而往來以  
取中者也權而得中是乃禮也 孟子

公將有

行遂與姜氏如齊

始議行事

申繻曰女有家男有室無

相瀆也謂之有禮易此必敗

女安夫之家夫安妻  
之室違此則為瀆今

公將姜氏如齊故知其當致  
禍亂 桓十八年左氏傳

鄭文夫人芊氏姜

氏勞楚子于柯澤

楚子還過鄭鄭文公夫人芊氏楚女姜氏齊女也柯澤鄭地名

楚子使師縉示之俘馘

師縉楚樂師也俘所得囚馘所截耳

君子曰

非禮也婦人送迎不出門見兄弟不踰閭

閭門限

戎

事不邇女器

邇近也器物也言俘馘非近婦人之物

孔

子適季氏康子晝居內寢孔子問其所疾康子出

見之言終孔子退子貢問曰季孫不疾而問諸疾

禮與孔子曰夫禮君子不有大故則不宿於外

大故

謂喪憂

非致齊也非疾也則不晝夜處于內是故夜

居於外雖弔之可也晝居於內雖問其疾可也

家語

公父文伯之母敬姜者季康子之從祖叔母也

康子往焉闔門而與之言

闔門也門

皆不踰闔

闔門

限也皆二人也敬姜不踰闔而出康子不踰闔而入傳曰婦人送迎不出門見兄弟不踰闔是也

祭悼子康子與焉

悼子穆伯之父敬姜先舅也與與祭也

酖不受徹

俎不宴

禮祭主人獻賓賓酢主人不受敬姜不親受也祭畢徹俎又不與康子宴飲

宗

不具不繹

繹又祭也唐尚書云祭之明日也昭謂天子諸侯曰繹以祭之明日卿大夫曰

賓尸與祭同日此言繹通言之也賈侍中云宗宗臣主祭祀之禮不具謂宗臣不具在則敬姜不與

也繹不盍飫則退

說云飫宴安私飫也昭謂立曰  
飫坐曰宴言宗具則與繹繹畢

而飲不盍飫禮而退恐有  
醉飽之失皆所以遠嫌也

孔子聞之曰男女之別

禮之大經公父氏之婦動中禮趣度于禮矣

國語  
魯語

男女不同棰枷不敢懸于夫之棰桼不敢藏于夫之篋

笥不敢共湑浴

竿謂之桼  
揮杙也

夫不在斂枕篋簟席褥器而

藏之

不敢  
喪也

少事長賤事貴咸如之

咸皆也  
內則

右夫婦之別

曰季使過冀見冀缺耨其妻饁之

曰季胥臣也冀晉邑  
耨鋤也野饋曰饁

敬相待如賓與之歸言諸文

公曰敬德之聚也能敬必有德德以治民請用之

臣聞之出門如賓

如大賓

承事如祭

常謹敬也

仁之則也

僖三十四年左氏傳

夫婦之禮唯及七十同藏無間

衰老無嫌及猶至也

故妾雖老年

未滿五十必與五日之御

五十始衰不能孕也妾閉房不復出御矣此御謂侍夜勸

息也五日一御諸侯制也諸侯取九女姪娣兩兩而御則三日也次兩媵則四日也次夫人專夜則五日也天子十五

日而一御

將御者齊漱澣慎衣服擗紼笄總角拂髦衿

纓綦屨

其往如朝也角衿字也拂髦或為纓髮也

雖婢妾衣服飲食必後長

者

人貴賤不以無禮

妻不在妾御莫敢當夕

辟女君之御日也 內則

右御妻妾

荀子曰霜降逆女冰泮殺內十日一

御

楊倞曰此蓋誤耳當為冰泮逆女霜降殺內故詩曰士如歸妻迨冰未泮殺減也內謂妾御也

十日一御即殺內之義冰泮逆女謂發生之時合男女也霜降殺內謂閉藏之時禁嗜慾也月令在十一月此云霜降荀卿與呂氏所聞異也鄭云歸期謂請期也冰未泮正月中以前二月可成昏矣故曰冰泮逆女朱子曰荀子本文與家語孔子對哀公語同楊氏之說恐未必然然其言霜降閉藏十日一御者似亦有理故特存之

晉平公有疾叔向問于子產

子產曰僑聞之君子有四時朝以聽政

聽國政

晝以



訪問

問可否

夕以脩令

念所施

夜以安身于是乎節宣

其氣

宣散也

勿使有所壅蔽湫底以露其體

湫集也底滯也

露羸也壹之則血氣集滯而體羸露

茲心不爽而昏亂百度

茲此也疾明也

百度百事之節

今無乃壹之

同四時也

則生疾矣叔向曰善哉

盱未之聞也此皆然矣晉侯求醫于秦秦伯使醫

和視之曰疾不可為也是謂近女室疾如蠱

蠱惑疾

非鬼非食惑以喪志

惑女色而失志

良臣將死天命不祐

良臣不匡救君過故將死而不為天所祐

公曰女不可近乎對曰節之

先王之樂所以節百事也故有五節

五聲之節

遲速本

末以相及中聲以降五降之後不容彈矣

此謂先王之樂

得中聲聲成五降而息也降罷退

于是有煩手淫聲悞堙心耳乃

忘平和君子弗聽也

五降而不息則雜聲並奏所謂鄭衛之聲

物亦如

之

言百事皆如樂不可失節

至於煩乃舍也已無以生疾

煩不

生疾

君子之近琴瑟以儀節也非以悞心也

為心之節儀使

動不

天有六氣

謂陰陽風雨晦明也

降生五味

謂金味辛木味酸水味鹹

火味苦土味甘皆由陰陽風雨而生

發為五色

辛色白酸色青醜色黑苦色赤甘色黃發

見也徵為五聲

白聲商青聲角黑聲羽赤聲徵黃聲宮微驗也

淫生六疾

淫過

也滋味聲色所以養人然過則生害

六氣曰陰陽風雨晦明也分為

四時序為五節

六氣之化分而序之則成四時得五行之節

過則為菑

陰淫寒疾

寒過則為冷

陽淫熱疾

熱過則喘渴

風淫末疾

末四

支也風為緩急

雨淫腹疾

雨濕之氣為洩注

晦淫惑疾

晦夜也為宴寢過節

則心惑亂

明淫心疾

明晝也思慮煩多心勞生疾

女陽物而晦時淫

則生內熱惑蠱之疾

女常隨男故言陽物家道常在夜故言晦時

今君

不節不時能無及此乎出告趙孟趙孟曰誰當良

臣對曰主是謂矣主相晉國於今八年晉國無亂

諸侯無闕可謂良矣和聞之國之大臣榮其寵祿

任其大節有蓄禍興而無改焉

改改行以救蓄

必受其咎

今君至於淫以生疾將不能圖恤社稷禍孰大焉

主不能禦吾是以云也

云主將死

趙孟曰何謂蠱對曰

淫溺惑亂之所生也

溺沈沒于嗜慾

于文皿蟲為蠱

文字皿

器也器受蠱害者為蠱

穀之飛亦為蠱

穀久積則變為飛蠱名曰蠱

在周

易女惑男風落山謂之蠱



巽下艮上蠱巽為長女為風艮為少

男為山少男而說長女非  
匹故惑山木得風而落

皆同物也物謂類也趙孟曰

良醫也厚其禮而歸之

贈賄之禮昭元年左氏傳

妊子者寢不側坐不邊立不蹀不食邪味割不正不食  
席不正不坐目不視邪色耳不聽淫聲夜則令瞽誦詩

道政事

列女傳

右胎教 妊子之時必謹所感心感于物則其子

形音肖之故妊者能謹于此則生子形容端正才

識必過人矣此之謂胎教

列女傳

妻將生子及月辰居側室

側室謂夾之室次燕寢也

夫使人日再問

之作而自問之妻不敢見使姆衣服而對至於子生夫

復使人日再問之

作有感動

夫齊則不入側室之門

若始時使人問

子生男子設弧於門左女子設悅于門右

表男女也弧者示有事于

武也悅事人之佩巾也

三日始負子男射女否

始有事也負之謂抱之而使鄉前也

凡接子擇日

雖三日之內尊卑必皆選其吉焉接字之義見內治篇

冢子則大

牢

天子世子也冢大也冢子猶言長子通于下也

庶人特豚士特豕大夫少牢

國君世子大牢

皆謂長子

其非冢子則皆降一等

謂冢子之弟及衆妾

之子生也天子諸侯少牢大夫  
特豕士特豚庶人猶特豚也

異為孺子室於宮中

特埽一處  
以處之

擇於諸母與可者必求其寬裕慈惠溫良恭

敬慎而寡言者使為子師其次為慈母其次為保母皆

居子室

此人君養子之禮也諸母衆妾也可者傅御之屬也子師教示以善道者慈母知其嗜慾者保

母安其居處者士妻食乳之而已

他人無事不往

為兒精氣微弱將驚動也

大夫

之子有食母

選於傅御之中喪服所謂乳母也

士之喪自養其子

賤不敢使

也人

三月之末擇日剪髮為髻男角女羈否則男左女

右

髻所遺髮也夾白曰角午達曰羈也

是日也妻以子見于父貴人則為

衣服由命士以下皆漱澣

貴人大夫以上也由自也

男女夙興沐浴

衣服具視朔食

朔食天子大牢諸侯少牢大夫特豕士特豚也

夫入門升自阼

階立於阼西鄉妻抱子出自房當楣立東面

入門者入側室之門

也大夫以下見子就側室見妻子于內寢辟人君也

姆先相曰母某敢用時日祇

見孺子

其妻姓若言姜氏也祇敬也或作振

夫對曰欽有師父執子之右

手咳而名之

飲敬也師循也言教之敬使有循也執右手明將授之事也

妻對曰記

有成遂左還授師

記猶識也識夫之言使有成也師子師也

子師辯告諸婦

諸母名

後告諸母若名成于尊

妻遂適寢

復夫之燕寢

夫告宰名宰辯



告諸男名書曰某年某月某日某生而藏之

宰謂屬吏也春秋書

桓六年九月丁卯子同生

宰告閭史閭史書為二其一藏諸閭府其

一獻諸州史州史獻諸州伯州伯命藏諸州府

四閭為族族百

家也閭胥中士一人五黨為州州二千五百家也州長中大夫一人也皆有屬吏獻猶言也

夫入食

如養禮

夫入已見子入室也其與妻食如婦始饋舅姑之禮也

凡名子不以國

不以日月不以隱疾不以山川

本篇不以國在日月之下無不以山川一句依

朱子取曲禮移入

此在常語之中為後難諱也春秋

傳曰名終將諱之隱疾衣中之疾也謂若黑臀黑肱矣

疾在外者雖不得言尚可指摘此則無時可辟俗語云隱疾為賢難也

大夫士之子不敢

與世子同名

尊世子也其先世子生亦勿為改

妾將生子及月辰夫

使人日一問之子生三月之末漱澣夙齊見於內寢禮

之如始入室君已食徹焉使之特餽遂入御

內寢適妻寢也禮謂

已見子夫食而使獨餽也如始入室始來嫁時妾餽夫婦之餘亦如之既見子可以御此謂大夫士之妾也凡妾稱夫曰君

庶人無側室者及月辰夫出居羣室其問之

也與子見父之禮無以異也

夫雖辟之至問妻及見子禮同也庶人或無妾

凡父在孫見于祖祖亦名之禮如子見父無辭

見子于祖家統

于尊也父在則無辭有適子者無適孫與見庶子同也父卒而有適孫則有辭與見冢子同父雖卒而庶孫猶

無辭也

由命士以上及大夫之子旬而見

旬當為均聲之誤也有時

適妾同時生子子均而見者以生先後見之既見乃食亦辟人君也易說卦坤為均今亦或作旬也朱子曰

此說疑鄭失之旬如字謂十日也別記異聞或不待三月也

冢子未食而見必執其

右手適子庶子已食而見必循其首

天子諸侯尊別世子雖同母禮則異

矣未食已食急正緩庶之義也朱子曰此承上文記大夫禮而又別其冢適庶子之異同也冢子之禮仍與

前章同唯適子庶子為異耳並內則

右生子

幼子常視毋誑

視今之示字小未有所知常示以正物以正教之無欺誑幼曲禮

子

能食食教以右手能言男唯女俞男肇草女肇絲

俞然也肇

小叢盛悅巾者男用韋女用繒有飾緣之則是肇裂與詩云垂帶如屬紀子帛名裂繡字雖異意實同也六

年教之數與方名

方名東西南北

七年男女不同席不共食

蚤其

別也八年出入門戶及即席飲食必後長者始教之讓

示以

庶耻九年教之數日

朔望與六甲也

十年出就外傳居宿于外學

書記衣不帛襦袴禮帥初朝夕學幼儀請肄簡諒

外傳教學

師也不用帛為襦袴為太溫傷陰氣也禮帥初遵習先日所為也肄習也諒信也請習簡謂所書篇數也請習

信謂應對之言也

十有三年學樂誦詩舞勺成童舞象學射御

先學勺後學衆文武之次也成童十五以上

二十而冠始學禮可以衣裘帛

舞大夏惇行孝弟博學不教內而不出

大夏樂之文武備者也內而不

出謂人之謀慮也

三十而有室始理男事博學無方孫友視志

室猶妻也男事授田給政役也方猶常也至此無常學在志所好也孫順也順于友視其所志也

四十始

仕方物出謀發慮道合則服從不可則去

方猶常也物猶事也

子曰方猶比也

五十命為大夫服官政

統一官之政也

七十致事

致其事於

君而告老

凡男拜尚左手

左陽

女子十年不出

恒居內也

姆教婉

婉聽從

婉謂言語也婉之言媚也媚謂容貌也

執麻枲治絲繭織紵組紃

學女事以共衣服

紉條也

觀於祭祀納酒漿籩豆菹醢禮

相助奠

當及女時而知

十有五年而笄

謂應年許嫁者女子許嫁笄而字之其未許嫁

二十則笄

二十而嫁有故二十三年而嫁

故謂父母之喪

聘則為妻

聘問也妻之言齊也以禮聘問則得與夫敵體

奔則為妾

妾之言接也聞彼有禮走而往焉以得接

見于君子也奔或為銜

凡女拜尚右手

右陰也內則

右教子 孟軻之母其舍近墓孟子之少也嬉戲

為墓間之事踊躍築埋孟母曰此非所以居子也

乃去舍市其嬉戲為賈銜孟母曰此非所以居子

也乃徙舍學宮之旁其嬉戲乃設俎豆揖讓進退  
孟母曰此真可以居子矣遂居之孟子幼時問東  
家殺猪何為母曰欲啖汝既而悔曰吾聞古者胎  
教今適有知而欺之是教之不信乃買猪肉以食  
之既長就學遂成大儒

列女傳

禮書綱目卷七十七